

KOPI MO FAASAOSAOGA TALAFEAGAI A SUI USUFONO

ASO LUA, 17 NOVEMA 2015

Na tauaofia le Fono Aoao Faitulafono i le itula e 9:00 i le taeao e tusa ai ma le Polokalame o Fonotaga a le Palemene 2014/2015.

Tatalo.

SAUNOAGA FAAFEILOAI A LE FOFOGA FETALAI

FOFOGA FETALAI: Ou te faasilasila atu ua amataliaina nei Tualumaga a le Fono Aoao Faitulafono.

E i ai le agaga maualuga i lenei taeao fou i le aofaga potopoto o le tatou Palemene i ona tulaga mamalu ma paia masani ua tatou toe faatasitasi ona o le alofa ma le agalelei o le Tapaau Sili i le lagi, ua mafai ai ona toe taitaiina mai lo outou soifua manuia le paia e ma le mamalu maualuga o le tatou Maota Fono i ona tulaga faalupe, ia ou te faatalofa atu i tulaga aloaia. O sa ma faiga o paia ma faiga o le Maota Fono o Tiafau o le Malae tumau, aua le afio o lau Afioga i le Taitai o le Malo ma lau Kapeneta, aemaise foi le afio o le Afioga i le Taitai o le Itu Agai, ma sui usufono mamalu uma o le Palemene o sui usufono tofia o Tootouli aua le filifiliga a Samoa i ona tulaga mamalu ma ona paia ua mafua ai ona tatou potopoto ona o le valaauina. Malo le soifua manuia, malo le folau, malo le onosai i lenei taeao fou. Sa tatou vaoeseese ona o feau ma tiute ma galuega sa tatou feagai ai i nai aso ua tuanai atu i le tele ma le anoanoai o tofiga faale-Malo aemaise o auaunaga eseese a le tagata lava ia ma le itumalo, ae faafetai i le Atua o lea ua maitau atu, ua toe atoatagi le paia ma le mamalu maualuga o le tatou Maota.

Ou te faapai atu foi i le tapuaiga a si o tatou atunuu i le tapuaiga a Samoa i lenei vaega o le taeao. Samoa, ia malo le tapuai mai, e talitonu o lo o outou po pea le fala ma feula le mulila, a o feagai Taitai a lou atunuu aua le tauavagameaina o le tauaveina o le galuega ua tatou taunuu foi i le faaiiuga o lenei tausaga, ia faafetai le tapuai mai. Le Aufaitatalo i so o se fatafaitaulaga i totonu o lo tatou atunuu, malo i lo outo tapuaia ma la outou faamanuia, e i ai le talitonuga, ia e faapena foliga o lenei taeao, ona o la outou tatalo faamanuia aua lenei Palemene. E faapai atu foi i o tatou malo tuaoi Tutuila ma Manua ma le Faigamalo, e i ai le talitonuga o lo o oo atu pea Aao leoleo o le Atua i lena itu o lo tatou aiga, malo le tapuai mai.

Ia Faauluuluga uma o Matagaluega ma Faalapotopotoga uma a le Malo ma Samoa ua potopoto i lenei aso, ia e manatu o le a faagasolo le tatou galuega. O le tatalo lava a le Fofoga Fetalai, ia o le tatou Fono lenei a o lumanai ai le tatou Fono mulimuli ia Tesema, ou te tatalo atu pea ma le agaga faaaloalo, ina ia outou logosaia a tatou galuega tuua. E le o toe tele se tatou galuega o lea ua papaaveloa mai lava i a tatou Fono na tuanai atu, o le agaga faafetai

lena ma le talitonuga, o le a tatou tauavamea ma faasolosolo a tatou galuega se i oo lava i toeaso o totoe o lenei Paeaiga.

FAASILASILAGA A LE FOFOGA FETALAI FAAGAFUA O LE NOFOA MO LE ITUMALO FAAALAALAFAGA O GAGAEMAUGA NU. 2

FOFOGA FETALAI: E faasilasila atu ma le faaaloalo mo le silafia e le Maota, ua avanoa nei le Nofoa mo le Itumalo Faaalaalafaga o Gagaemauga Nu. 2, lea sa umia e le Tofa Levaopolo Talatonu.

O le Tofa Levaopolo Talatonu, e le o toe resitalaina lona suafa i le Lola Palota o le Itumalo Faaalaalafaga o Gagaemauga Nu. 2 e pei ona faamaonia mai e le Sui Komesina o Faiga Palota. Ua resitalaina nei lona suafa i le Lola Palota o le Itumalo Faaalaalafaga o Salega Sasae.

Ua faamaonia mai e le Loia Faufautua Faapitoa a le Palemene, ua le toe agavaa le Tofa Levaopolo Talatonu e nofoia le Nofoa, ona e le o toe i ai lona suafa i le Lola Palota mo le Itumalo Faaalaalafaga o Gagaemauga Nu. 2.

Ou te faapai atu ai i le paia o le Itumalo o Gagaemauga Nu. 2 i sa outou faafofoga tapuai mai i lenei faasilasilaga i lenei aso, i paia i Alii e lua (Tautaiolefue ma Tauiliili), ma Maopu (Fepuleai ma Toiaivao); faapea Sa-Peseta ma Usoalii, le mamalu aua Saleaula ma lou Faletufuga ma lau Faatufugaga, ma oe le pule. O oe o le Tufuga-alofa ma le Tufuga-toatamai, o le sa e folauloa i matagi.

Talofa ua avanoa le Nofoa o le Matua o le Itumalo o Gagaemauga, a o se Tootoo-fetalai aua le Usoga a Pule ma le va fetalai ma Tumua. O le Tootoo o le Malaetae aua le Malae i Vaituutuu e afifio ai Tapaau ae leo e le lauga a Saleaula.

Ou te taofi, e le o se faautautaga po o se tofa o le Itumalo, e le o se finagalo foi a le Palemene, a o le finagalo lava o Lē na tulai mai i le tofi le Tofa Levaopolo Talatonu o lea ua faatino ai aulape o le Tulafono.

E tusa ai ma aiaiga o le Tulafono Tumau o Faiga Palota 1963, e le toe talafeagai le faia o se Faiga Palota Laitiiti mo lea Itumalo, ona ua itiiti ifo nai le 6 masina o totoe o lenei Paeaiga o lo o faagasolo nei. Ae tatou tapuaia ia le Faiga Palota Tele a le tatou Malo o lo o loma nei.

O le faasilasilaga lea i le ava ma le faaaloalo mo le silafia e le Maota.

ISI FAASILASILAGA A LE FOFOGA FETALAI

Tuuaiiga faasaga i Polokalame Faalauiloa a le SPAGHL

FOFOGA FETALAI: Ua ou manatu ua tatau ona ou faamalamalama ma faamanino le mataupu lenei, aua ua logo faa-Tutuila le atunuu atoa, aemaise atunuu e mamao o lo o alaala ai so o se Samoa ona o faitioga ua aliae mai i Nusipepa ma Ala Faasalalau - i tuuaiga a le Taitai o le Itu Agai e faasaga i le faaogaina o polokalame a le Malo e sosofa ai ni faamoemoe o ni sui tauva mo le palota o faamoemoe nei.

O le a ou le tali mo Minisita o le Kapeneta, o lo o i ai pea faiga faavae ma ala fua e tali ai e faamanino ni mataupu o tuuaia ai foi i latou. Ae o le

polokalame a le SPAGHL, o le Komiti Faapalemene mo Faiga Faa-Soifua Maloloina Lelei, o le Komiti Aloaia a le Palemene lenei. Aemaise o au o le Fofoga Fetalai, o le Taitaifono e tatau ai ona ou faamanatu atu, aemaise lau Afioga i le Taitai o le Itu Agai ma sui usufono mamalu uma o lo o i ai i lenei Komiti.

E faatolu ona fono le Komiti o le SPAGHL mo lenei faamoemoe, ina ua taoto mai le polokalame a le Matagaluega o le Soifua Maloloina e moomia ai le tatou Komiti ona taulamua - ina ia atagia ai pea Taitai o Samoa e faamaite ma fai faataitaiga lelei mo le tausia o le soifua maloloina.

O le filifiliga o le nofoaga sa faia ai le faamoemoe i Salafai, sa nafa lava o le ma le Pule Sili o le Matagaluega o le Soifua Maloloina. E le i i ai se aafiaga e tasi o le tatou Komiti pei ona outou silafia, ae ona o le latou lava faaiuga na faia ona o le nofoaga na filifilia e talafeagai lelei mo lea itu o le motu i Salafai.

O le manulauti a le Ofisa o le Soifua Maloloina, ina ia oo atu nei polokalame faalauiloa i nuu o lea itu o le motu, ae le na o le o atu lava i le uafu ma le taulaga i Salelologa e faatino ma toe foi mai ai, ae le oo atu i nuu tupito ua tatau ona oo atu i ai lenei faalauiloa.

O le ala tonu lea na talosaga mai ai pe talafeagai ona logo le afioaga o Sa-Tupua ma Sa-Malietoa e faataunuu ai le faamoemoe. Sa talileleia e le itumalo ona o le naunau e lagolago mea lelei o lo o uunai atu e le Malo aua le manuia o le soifua maloloina o tagata lautele i lea itu o le motu.

O le polokalame lenei na aafia ai le Itu o Tane atoa, e aafia ai le Gagaemauga Nu. 1, Gagaemauga Nu. 2, Gagaemauga Nu. 3, Gagaifomauga Nu. 1, Gagaifomauga Nu. 2 ma le Gagaifomauga Nu. 3. O lona uiga e le o se polokalame na o le itumalo o Gagaifomauga Nu. 3 e pei ona i ai tuuaiga le faavaea.

O le itu sili ona le manuia ona e faatolu ona fono le tatou Komiti ma faafofoga i polokalame manino a le ofisa, peitai e leai se leo na faasalaese pe fesiligia le nofoaga o le a faatinoina ai le faalauiloa a le Matagaluega.

O lenei la ua maea ona faatino le polokalame na faaiugafonoina e le tatou Komiti, paga lea o mata o maasiasi, ua toe agai o le Taitai o le Itu Agai i luga o nusipepa ma auala faasalalau i leitia ma faaleaga ma taufaatauvaaina le maau ma le milomilosia o nuu ma itumalo sa momoli mai le latou sao taua ma iu manuia ai lenei aso.

Lau Afioga i le Taitai o le Itu Agai, ou te taofi o oe o se tasi matua i le tatou Komiti. Ma o lo o faalupe foi lau Afioga o se tasi o Taitai o le Maota o le Palemene e Agaia le Malo. Afai la ae tulai mai ni tulaga faapenei o le maea fai o faaiuga a le Komiti ae toe faasagatau ma faaleaga, ua moni ai upu o le Tusi, 'e te tino ia Esau, ae te leo ia Iakopo.'

'Aua ne'i avea le manao i le i'a ma mea e maumau ai le upega, lo tatou upega o lo o fili faatasi, o tatou o sui usufono filifilia o le atunuu. Ne'i avea se nauta ma naunau, ae soli ai lo tatou va-nonofu ai aemaise ai o le mamalu o le Maota lenei.

O le Maota e tatou te faapelepele i ai aua ua atoa i ai paia ma mamalu o Samoa. Ua atoa foi i ai fuesina ma fue afaloloa o Samoa, o tootoouli ma tootoo fetalai, e leo ai le atunuu ua ona punaoo. E ui ina faalupe i le vao Tiafau i le aso, a o le Maota lava lenei o le Maota tauave, o le Maota e liolio i Tiasa o Tamaaiga e nana ai le tupu ina ua maua lona nofoaga, o le maualuga

lena ma le paia o le Maota o le Palemene, o le fatuaiga tausi lena a le Fofoga Fetalai.

Ou te taofi ua le talafeagai tuuaiga na saunoa i ai le Taitai o le Itu Agai e faasaga i le faamoemoe a le Komiti Faapalemene a le SPAGHL, ae o le mea sili ona faigata, o le aafia o finagalo ma lotu mama o le Susuga i Faafeagaiga Taulagi ia Panapa Fata Too ma le ekalesia i Sasina sa ofoina mai le latou tautua matavela e lagolago ai le faamoemoe o le Malo.

O le mea moni, e le taitai ona faatusalia le tali atu i le maau ma le milomilosia sa feagai ai ma le Faafeagaiga ma le Faletua, ona o le latou naunau i le tautua lagolago ona o au nei o le Taitaifono o le Komiti, na latou saili ai malo, ae le o palapala malo.

Le paia e o le tatou Komiti o le Palemene, e tau lava ina ou faamanatu atu, aua ne i faataaloga i vai, e le na o outou e tou te silafia fai le faiva o le tauaimaa, aua o lea foi e tele le gaoga o lo o tutu ai ma maitau atu, ae fai mea uma ma le ava ma le faatamalii ona o lo o tapuai mai Samoa.

O lau apoapoaiga ma le fautuaga i le Maota ma le tatou Komiti, o le tatou Komiti o le Komiti aloaia a le Palemene ma e le faaloaloavale lo outou paia ma lo outou mamalu. Ou te tatalo atu ai ma le faaloalo ina ia tumau i tautinoga faamaoni o le tausisia o le mamalu ma le taualoa o le Palemene ma ana faaiuga fai, o le faaloalo foi lena aua le tapuaiga a Samoa.

O le mea lea ou te tapa ail au Afioga i le Taitai o le Itu Agai mo sau saunoaga ma sau faamaualaloga i lena Maota – ona o au tuuaiga sese ma le lē faavaea, faasaga i le faamoemoe o le Matagaluega o le Soifua Maloloina ma le Komiti a le Palemene SPAGHL sa faatinoina i Salafai.

Afai, e te le taliaina le faatonuga a le Fofoga Fetalai, o le a ou tapa loa nisi aulape o lo o i malosiaga o le Fofoga Fetalai.

Afioga Hon PALUSALUE FAAPO II (Taitai o le Itu Agai): Lau Afioga i le Fofoga Fetalai.....

FOFOGA FETALAI: Se i avatu muamua le avanoa i le Afioga i le Palemia.

Susuga Hon TUILAEP A FATIALOFA AU E L U A L U P E S O L I A I N E I O T I A I O N O S A I L E L E M A L I E L E G A O I (Palemia): Lau Afioga i le Fofoga Fetalai, ou te manatua e ese foi lena taeao i le tulai mai o le Maota nei, ona o galuega tuua, e tatau foi ona tatou agai i ai e tau faamaeaea o lea ua tatou tulata i faaiuga o le tatou Paeaiga, ia ona tatou toe foi lea i itumalo e fau lo latou filifiliga. O lena foi la taeao ma le faalogologo atu, ia e faamalo atu i lau Afioga, malo le lavapapale. E leai lava se eseesega o le mea ua oo i ai lau faatofalaiga e faapena foi ma tuuaiga foi o le Matagaluega o le Siosiomaga, e faatatau foi i le latou polokalame o siosiomaga e faavae i luga o afioaga o lo o i ai Faasao a lo tatou Malo, ma o le agaga foi e felafuai ia polokalame ia o Savaii, Upolu, Savaii Upolu, e i ai foi isi taimi e fai ai i Aiga i le Tai, ma le faatauaina o le tatou siosiomaga ona a fuafua i se mala aupito maoa'e o lo o feagai nei ma le lalolagi talu ona foafoa mai le lalolagi, e leai lava se mala e mafai ona faapea e faatusalia i le mea lea ua faafeagai nei ma le lalolagi i suiga o le tau. A le fofoina le mea lea, o lona uiga ua vave mai le gataaga o le lalolagi, o le mea moni lava le mea lena ma o lea lava ua i'u ina tautala i ai ia Malo tetele o le lalolagi, sa o latou teena ma teena ma teena, e le o le suiga o

le tau ua i ai nei, e mafua i le vevela o le lalolagi. O lea la ua faamaonia nei, toetiiti 99.999 % o Saienitisi o le lalolagi ua tasi moemoe lo latou taofi, a le faia se galuega i le mala tele ua faamalumalu mai, e le o toe umi le lalolagi lenei ona tatou taunuu lea i le gataaga.

O le mafuaaga lea e le tuulafoaiina ai e le Malo ia le polokalame lea, ma ua tauau ina faagogo tagiao i nisi, o le ala lena o lea e fai ma taumafai ai pea e felafoa'i, Savaii, Upolu, Savaii, Upolu, e oo foi i tuā i Safata i le afioaga o le Taitai o le Itu Agai o lo o i ai le isi Faasao tele lava o le Togatogo, lea foi sa logo mai a'u na fai i le tausaga talu ai i le isi foi sauniga faapenei. O le ala lea o lo'u tulai atu, leaga o le atunuu lea e faalogologo mai, e toatele foi tagata vaivai e faigofie lava ona seetia i tuuaiga lē fa'avaea faapenei. O le ala lena e o'o foi i le Iunivesite o taua o le Pasefika, o totonu o le Iunivesite o le Pasefika e le faia e Samoa, e fai mai e le Pulega o le Iunivesite o lo o i Suva i Fiti, e le faia e se Minisita. E tasi lena mea o lea ua foliga lea ua tuuaia ai le Malo, o lea foi ua avatu i Savaii ia le latou faauuga e fai ai. Ae tāua lenei taeao lau Afioga i le Fofoga Fetalai o le tōfa ua fa'aalia o lea ua avea foi lenei laolao e fa'amamā ai ia mea, a manino lava se mea, ia ua uma foi lea. Ou te taofi la o lea ua manino lau faasilasilaga, ua manino foi le matou foi faamatalaga, ia ona i ai lea o le taofi, ia ua tulata mai foi le Kerisimasi, o aso lava nei o a mea sese tatou fefa'amagaloa'i, ma e ua matou faalogologo ua e faamagalo i le Taitai o le Itu Agai ma latou na latou faia ia tuuaiga mātuiā, taumafai lava e pi'ipi'i i upu o le Tusi, 'aua ne'i po le aso o e ita pea,' ae 'ese le faigata o lenei mea o le faamagalo, e matuā faigata. Ma o lē lava e na te faia le tatalo a le Alii, faamagalo mai e pei ona matou faamagalo atu, ae le faamagalo lona uso a tagata ae le'i goto le la, o lona uiga ua nofo lava ia ma toe fetuu ia, o le ala lena e vave tele le faamagalo a matou nei ma e talitonu foi ua magalo foi lau Afioga. Ia o le a foi se sasi, ia o mea lava ia e masani ai tatou, a o le agaga ia faalaolao i fale lenei taeao o lea ua malamalama mea, a malamalama lava mea, ia ua uma foi sia mea. E pei o lo'u tulai atu lena Palu, manuia lenei aso, faapuupuu lau lauga, 'aua le toe umi lau lauga ma le umi o le tatou Fono i le asō.

FOFOGA FETALAI: Malo faafetai.

Afioga Hon PALUSALUE FAAPO II: Ia ou te tulai atu ma le faaaloalo, leaga o lea ua saunoa le Afioga i le Palemia i le agaga o le faamagalo, ia ua faigata foi ona ou toe tali atu, leaga e matuia tuuaiga lau Afioga i le Fofoga Fetalai, matuia la e faafogafoga mai Samoa aemaise lo'u itumalo. E le fesiligia le taua o polokalame e le fesiligia, le taua o le polokalame i Sasina le nuu o lau Afioga, ia faapea foi Vaipouli o le nuu o le Minisita o le Siosiomaga, ia lea foi e i ai le faamoemoe o le isi polokalame mo Iva, o le nuu o le Minisita mo Aoga, Taaloga ma Aganuu. O le mea la lea lau Afioga i le Fofoga Fetalai, leaga e matuia tuuaiga e faapea ua ou faaleaga polokalame, faaleaga, ae o lena e te silafia lelei lo'u lagolago i tulaga uma o nei faamoemoega, ae ou te vaai atu loa i se mea e i ai le conflict of interest ma le feteenaiga o manatu, e le mafai ona ou tuua le mea lea, e le mafai ona ou tuua, leaga la e maitau Samoa, e faamasino mai Samoa, ia ae peitai, o lea ua faalava le āmoā, ua faalava le āmoā a le Afioga i le Palemia. Ae o le agaga o lou nei sui usufono, ia o le faataua o mea ia ma polokalame ia, pau lava ia o

mea e silasila totoa i ai aemaise o le taimi ua sauni atu i le Palota. O le mea la lea o le a le toe sii lava se matalalaga i la'u faamatalaga.

Lau Afioga i le Fofoga Fetalai, ia aoga le mea nei, ia aoga mo le agai i luma leaga lea e vaai le atunuu ma matou maitauina, e faapenei le alu o mea i le taimi nei, alu faasoloatoa.

FOFOGA FETALAI: E te faatoese pe leai? Tali mai i le fesili lea e fai atu. O lea e maitau atu o lea e te faataumatatao mai i le faasilasilaga lea na avatu. Ou te le le'i tautalagia, e leai se aafiaga ia te au e te saunoa ai i Minisita o le Kapeneta. O le mea lea ou te tulituliloa atu sa e i ai i tatou fonoma e ioeina le vaega e faia ai le faamoemoe lea, ae leai se mea o le tatou fonoma e ioeina ae e toe tulai ma faasalalau mea ia. E le na o au lea e aafia i le mataupu lenei o latou na agai i ai le Matagaluega a le Soifua Maloloina ma soalaupule, se i silasila la i le mea lea e tau faamalamalama atu. Le Taitai o le Itu Agai tuutuu mai lou finagalo, aua e te apoa le pola motu i tua ma fautuaga e le lelei mo oe, saunoa mai i le mea na tatou ioeina ma fai le tatou fonoma. O a ia mea faapea e uma na fai ma e ioe ae e toe tulai ma fai mai e le fetai?

Afioga Hon PALUSALUE FAAPO II: O lea o le a ou fai atu lau Afioga i le Fofoga Fetalai, e leai se ioea na fai e aumai le fanoga.....

FOFOGA FETALAI: O lea la o le a fai atu lau faaiuga. Alaala i lalo! Ua uma na fai. E te saofai i le tatou fonoma ua uma ona fai, o le faaiuga a le Ofisa o le Soifua Maloloina e le o se faaiuga a au.

Tulai mai lau Afioga i le Palemia.

Susuga Hon Tuilaepa Fatialofa Auelua Neioti Aiono Sailele Malielegaoi: Lau Afioga i le Fofoga Fetalai e i ai lava le mea lea e tatau ona ou faasa'oina, o le faatinoga o tatou galuega, o le ala foi lena o lea e ala ai ona faalupe e le atunuu le vaega lenei o le vaega galue. E le'i faapea ua alu alu alu ona malolo lea o le vaega lenei, o lea lava e gaoioi mea na matou gaoioi mai lava ina faatoa uma ona fai le faiga palota, a o le faaupuga lea ua alu i le atoa mea i le taimi lenei, na alu mai lava i le amataga o le Paeaiga lenei, e le o nofoa'i. O le matautia o le tatou Paeaiga lenei, o le tele o mau faafitauli lea na feagai aemaise lava le Afa lea o Evani, a o lea e le'i mae'a foi e alu lava ia galuega o mea na faaleaga e le Tsunami. O tupe ia e faatino ai mea ia, e le o ni tatou tupe, o tupe na faatalanoa ma faletupe i fafo, a uma la ona faatalanoa ma faletupe i fafo ua ioe mai, e i ai isi auala e tatau ona fai, o le tusiga o ata e aofia ai ma le faasalalau, mea ia e takes time. Sa i ai le matou faamoemoe e vave fai le auala laupapa lea i Maliolio, a o le tuai o mea ia, aua o mea uma ia e faatupe mai fafo i nonogatupe foi ia e tou te tetee i ai, ua uma la ona pasi, ae la foi e tau tusi ata, ma o le taimi lava e uma ai ona tusi ata, ona alu loa lea o le faasalalau fausia loa lea ua uma ona pasia ia le seleni e faatino ai, a'o aiaiga o le tapenaga e le faigofie, leaga e moomia ai mo mea o inisia e alu ma mea o faasalalau, o isi taimi pe atoa le masina o faasalalau, ona avatu lea i le Tender Board tilotilo i ai e non comply it, o lona uiga e le o talafeagai ia tagata ia, toe fai le faasalalau e faapena le tuai, ae a o'o loa i le taimi e sau ai ua clear uma mea uma, o le a faagasolo, faagasolo loa. Pau lava lea o si mea e tatau ona ou fa'asao'a, tai pei o le galuega lea e faagasolo nei i Vaitele, ai o i lea e faapea ua alu faasoloatoa mea.

Lau Afioga i le Fofoga Fetalai o le tausaga e 2012 na pasia ai le auala lea, lea ou te tautomanatu nei, na pasia ai e le Faletupe o le Lalolagi ae aafia ai ma auala ia e sau mai Malifa, o lea la ua uma Malifa e tau i Vailoa, ae lea ua faagasolo le vaega lea e tau i Vaitele ma faapena ai ona faasolosolo atu lava e le faapea o faia uma, leaga e tēlē le galuega ae fai faasolosolo, a’o le tulaga o i ai, e tau lava i o i le malae vaalele. E ala la ona ou fai atua mea ia, Palu, sa e i totonu o le Kapeneta, e le afaina lava le sasi mai o se isi, a’o le faia o tuuaiga o lena e te iloa, o taimi foi sa tatou i ai tatou, sa tatou galulue lava mai i le amataga e tau lava i le faaiuga, e oo lava i le taimi o le palota o la e galulue lava. Ae e leai ma sau upu sa e faapea mai e faapea, ‘se ‘aia le faia na galuega leaga ua lata mai le palota.’

O lea lau Afioga i le Fofoga Fetalai, o lea lava e agiga i totonu o le Maota lenei ma matilatila le saunoaga a le isi sui usufono o le Itu Agai, matilatila lava le saunoaga a le sui usufono o le Itu Agai, lau Afioga i le Palemia ma lau Kapeneta, se’i tau taofiofi ane galuega ua televave tele. O lea e faatino atu e matou ae taofiofi mai le Itu Agai, se’i tau taofiofi ane galuega ua televave tele. Ia ae e le mafai leaga o le vaega lenei, o le vaega e galulue.

Afioga Hon Palusalua Faapo II: Lau Afioga i le Fofoga Fetalai o le mea e fia faasao.

FOFOGA FETALAI: Alaala i lalo, se i uma ona avatu lea o lou avanoa.

Susuga Hon Tuilaepa Fatialofa Auelua Lupesoliai Neioti Aiono Sailele Malielegaoi: Ma e o le ala foi lena e ala ai ona maua le faalupega o le vaega lenei, o le HRPP e gaioi, e le omai e na ona omai e faalue, e omai e galulue ma agai mai pea i ai ia finagalo o le atunuu, leaga e le pei o isi vaega faaupufai o aso la, na ona omai lava faaluelue loa, faalue i luga o nofoa ma amo o latou tofiga, o le vaega lenei, se matua galulue faataulelea. Masalo ua tau galo ia te oe le mea lena, e le afaina pe ana sasi mai se isi, a’o lou tulai mai o oe sa e Minisita, o le mea lea ua ou tau te’i ai Palu.

Ia lau Afioga i le Fofoga Fetalai pei o le tulaga lena o lea ua uma ona ou fai atu, e vaai i mea e i ai faasao e fai ai ia galuega nei a le Malo. Ia e leai lava se upu a le Taitai o le Itu Agai na sau i le taimi sa fai ai galuega i lona itumalo i mea lava ia o siosiomaga, e leai lava ma sana upu, se ‘aia le faia i ina te’i ua faitio au leaga o le conflict of interest. Pei o le tulaga lena o lea e alu lava le polokalame. ‘Aia le ave ifoa le tulaga o le tau o le tagata i i le itumalo o le a taofia ai le mea e tatau ona fai, e matua sese lena taofi. O le a vaai atu lava o le itumalo o la e i ai mea e tatau ona fai, ae faapea, ‘aia, ‘aia ne’i faia leaga te’i ua faitio, se o le mea aupito i sili lena ona lē amiotonu, ae o le mea e aupito sili ona ou faanoanoa ai, o le avatu o mea e fai i Savaii, ae faitio faipule o Savaii, o le mea lena ua ou te’i ai, e le afaina ia Palu o le Upolu, ae ou vaavaai atu i le TV, e tausolomua i isi faipule o le Itu Agai i Savaii ona faitio pe a avatu mea i Savaii, se fai ma outou manatunatu, o lea e i ai le anava a le vaega lenei, e pei ona lelei i Apia, e manao foi le vaega lenei, ia faalelei Savaii ma nuu uma la i tua.

FOFOGA FETALAI: Ia e ava tele atu i le tatou Komiti lau Afioga i le Minisita mo Tina ma Tamaitai, Atinae o Nuu, Afioaga ma Agafesootai ma se tasi o sui usufono mo Faasaleleaga Nu.1, Afioga Hon Gatoloaifaana Amataga

Alesana Gidlow, o le a aveatu pea le avanoa ina ia malamalama le mataupu lenei, leaga o lea e ese le mea lea e.....

Tulai mai lau Afioga i le Minisita mo Tina ma Tamaitai, Atinae o Nuu, Afioga ma Agafesootai.

Tofa Hon TOLOFUAIVALELEI FALEMoe LEIATAUA (Minisita mo Tina ma Tamaitai, Atinae o Nuu, Afioga ma Agafesootai): Lau Afioga i le Fofoga Fetalai ma le mamalu o le Maota ou te tulai ma le agaga faaaloalo, e leai se faamoemoe e sii foi le vaa o Leulumoega i lenei taimi. Ae peitai e manatu lava i le faafogafoga a Samoa, o le Maota lenei e na o mea amiotonu e fai ai ma upu tonu e aumai i ai. O le ala foi la lea lau Afioga i le Fofoga Fetalai ua ou tulai atu ai ona o lea ua matau atu i le saunoaga a le Taitai o le Itu Agai i lana tuuaiga, e le i ai se faaiuga a le Komiti.

Lau Afioga i le Fofoga Fetalai ma le faafogafoga a le Maota ma Samoa o lo o faafogafoga mai, sa ou auai i le tatou fononua lea matou e toalua Minisita na i ai aua o le Komiti e Taitaifono lau Afioga i le Fofoga Fetalai e i ai Minisita e toatolu o le Kapeneta, e i ai le Taitai o le Itu Agai ia ma sui usufono o lena itu o le Maota e faapea foi Minisita Lagolago o lena itu o le Maota. O lena mataupu ina ua faataoto mai le polokalame a le Matagaluga o le Soifua Maloloina, sa ou matua fiafia ona o le mea lea e saua i le saunoaga a le Palemia, o le mea e lelei i Tumua nei ma Apia, o le mea mea sili foi lena ona lelei i le silafia e o tatou tama ma matua o lo o tu'i mai le mulipapaga i Salafai. O tagatanuu uma o lo o tusia o e mai Salafai, o le faamoemoe lena o le tatou Malo, e leai ma se tasi na faasalaese i le polokalame, ma e na tatou pasia le polokalame e aunoa ma se leo o le Afioga i le Taitai o le Itu Agai. A o lea la ou te talitonu au ia, o lagona eseese o tagata atonu a ou faauigaina ua fiafia le Taitai o le Itu Agai ua maua le pulu e na te faaleagaina ai lau Afioga i le Taitai o le tatou Komiti. Ae ou te manatu foi lau Afioga i le Taitai o le Itu Agai le faafogafoga a le Aiga Sa Tunumafono ma le Alataua, talofa, ou te manatu tele i le tatou nonofo ai. O le ala foi lena o lou tulai, ia e te le faataumatatao i le Fofoga Fetalai e sao lelei le tuuaiga ma le faatonuga a le Fofoga Fetalai i lenei taeao ua matuia le mea lea. Na ou faalogologo i ai i tala foi na lipotia e le au tusitala i Nusipepa ma le TV, o le mea lea ou te talosaga atu ai i lau Afioga i le Taitai o le Itu Agai, ina ia faaoga le mea lea ua tuualalo ai le Afioga i le Palemia. O le finagalo faa-Tama moni o Samoa, ia tatou manatu ua tatou tulalata i taimi o le Alii Faaola ma Lana Faaolataga, ae soia tatou te gautā aua e leai se mea e maua i le mea lea o le gautā pei o upu a toeaia. Na pau lava le mea o le fa'i o olo ia o le mataga lena o le tagata o la e ta, ae a e manatu i le fautuaga faatoese i le Fofoga Fetalai ma le Maota lenei. E ese le matuia o le mea ua aafia ai le Komiti a o le Komiti lea aupito sili ona taua a le Palemene aua e le i le va ona faavae, talu mai le 2008 a o ou Fofoga Fetalai na faavae ai le Komiti lenei e sui ai le isi Komiti o le faitauaofai ma le soifua lelei o tagata soifua o se vaega o le Pasefika i Palemene taitasi, o mea uma na fai i lena vaitaimi. O le mea la lea ia aoga lenei mea ua tulai mai i le saunoaga a le Fofoga Fetalai, ia e le o ni a'i avea e toe faamagalo lava oe e Sa Tunumafono pe afai ua sasi ia ae faatamalii le tatou aso. O lea ua tuualalo le Afioga i le Palemia ua faalava le amoa e faamagalo oe, ma le faaaloalo.

Afioga Hon Palusalue Faapo II: Lau Afioga i le Fofoga Fetalai leaga o lea ua taua mai lou itumalo.

FOFOGA FETALAI: Le Taitai o le Itu Agai, e uma avatu lou avanoa, e uma avatu lou avanoa. Alaala i lalo.

Afioga Hon Palusalue Faapo II: E tatau ona ou tali i mea ia e fai mai.

FOFOGA FETALAI: E uma avatu lou avanoa.

Tulai mai se tasi o sui usufono mo le itumalo o Faasaleleaga Nu.1, Afioga Hon Gatoloaifaana Amataga Alesana Gidlow.

Afioga Hon GATOLOAIFAANA AMATAGA ALESANA GIDLOW (Faasaleleaga Nu. 1): Lau Afioga i le Fofoga Fetalai, ou te tulai atu ona e nofo lava ae popo'e le mafaufau ona ua taua le matou nuu o Iva i le saunoaga a le Afioga i le Taitai o le Itu Agai. Ia o lo o faafogafoga foi le matou itumalo, tainane faapea ai e le o mataala foi le tofi o lo o aumai i ai le latou faatuatuga o lo o puipuia upu ia aemaise mea e tauleleia ai le matou itumalo. E le o afio le Afioga i le Minisita, ae ou te lagona e ao ona ou tulai atu aua e faafoliga ua afaina le finagalo ma le faamoemoe o lo o i ai ona o le avatu i o matou itumalo. Ae peitai lau Afioga i le Fofoga Fetalai, o Iva e iva i ai aiga o Malietoa, o lo o afio le Aiga Salevalasi le mamalu ia Tofilau ma Leauanae, le tapuaiga foi a nofo a ituaiga ma Sasulu ae tainane alo o Tagaloa ia Safune ma Taulauniu ae tainane le Afioga Atitala o lo o faafogafoga ma tapuai mai.

O le mea lea lau Afioga i le Fofoga Fetalai ua lagona le agaga faanoanoa, ona e foliga e le tatau ona o'o ni fuafuaga faapea a le tatou Malo, o le itumalo muamua foi i Salafai, o le itumalo e faasa ai mea leaga na o mea lelei lava. O lea ou te tulai atu ai lau Afioga i le Fofoga Fetalai, ou te lagona foi o le Afioga i le Taitai o le Itu Agai o lo o ia tauaveina foi le Suafa Tofilau, e ofo ai lava la lo'u mafaufau i lona tau faatauvaaina o le igoa o lenei itumalo ma lenei nuu.

O le mea lea ou te tulai atu ai lau Afioga i le Fofoga Fetalai, tau lava ina faasilasila atu le faanoanoa ma le lē fiafia o lenei itumalo ona e foliga e faatauva lona manatu i le aveatu o fuafuaga a le tatou Malo i le matou itumalo, faafetai tele lava mo le avanoa.

FOFOGA FETALAI: Malo, o le a aveatu le avanoa mulimuli i lau Afioga i se tasi o sui o le tatou Komiti ona fai ai lea o le faaiuga a le Fofoga Fetalai.

Tulai mai Afioga i le Minisita mo le Soifua Maloloina.

Afioga Hon TUITAMA TALALELEI TUITAMA (Minisita mo le Soifua Maloloina): Faafetai i lau Afioga i le Fofoga Fetalai, ae leaga o lea ua lotea lenei Matagaluega i totonu o le tatou Maota. Sa augata lava e tulai i mea faapea i mo tala feavea'i ma mumumumuga e le tonu ma le amiotonu ia ma le faaoga sese o avanoa o lo o taumafai i ai i le atina'eina i se vaaiga e faaleaga ai se mealelei. Ae ui i lea lau Afioga, e i ai nai vaega ua ou tulai atu ai e taua leaga o lea e faafogafoga le atunuu ia ma la foi e matau mai ia Matagaluega. O nei Matagaluega o lo o tautua mo Samoa, la e punouai ma afu maligi i le tautuaina o le atunuu ma tau matau ni ala e mafai ai ona o'o atu le auaunaga, ia le gata ia na o i latou e i totonu o le taulaga ma e i ai le

tamaoiga, ae ia o’o atu le auaunaga ia i latou e le gafatia ona ausia tulaga e mafai ai ona o’o mai i nofoaga o lo o faatino ai ia auaunaga e sili atu ona manaomia mo latou.

Lau Afioga i le Fofoga Fetalai o le vaega muamua o lea ou te tulai atu foi e lagolagoina le saunoaga a le Minisita mo Tina ma Tamaitai, Atinae o Nuu, Afioga ma Agafesootai, e tusa ai ma le tatou faaiuga na fai aua sa ou i ai foi i le fonotaga lea na fai ai le tatou faaiuga, ia ma ou te faamoni atu i lea tulaga. O lea na aumai ai le mataupu o le Soifua Maloloina ia ma tatou talisapaia ma lagolagoina i le agaga fiafia. O le isi mea e ao ona manatua, a ave polokalame nei a le Soifua Maloloina i tua, o le a taatia ia isi Matagaluga o lo o i ai foi a latou polokalame. Ae ou te talitonu o le agaga foi lea e tasi o lo o faatino ai, a manao e ave se polokalame i tua i se afioaga i tua, e manaomia le lagolago a le sui usufono o lea itumalo, e manaomia le lagolago a Taitai o lea itumalo, e le mafai ona avatu se polokalame i se afioaga e le o i ai se latou lagolago ma omai e opogi. O lona uiga o ai a fai agai i ai nei polokalame? O fea e omai ai, e manaomia. O le agaga lea lau Afioga, o lea o lo o pepese ai ia Taitai o Malo Afaatasi faapea Malo uma o le Lalolagi latou te manaomia le lagolago a e o lo o faitonu, le au faitulafono o i latou o Taitai o Malo, lea ua faaupu nei o le political will. O le mea lea o lea e agai i ai taumafaiga a le lalolagi atoa, aua po o le a lava se gaoioiga e faia e se atunuu po o a ni ituaiga polokalame, a leai le lagolago lea a e o lo o faitulafono a Taitai o Malo, e le mafai ona faagasolo se polokalame. O le tulaga foi lea o lea o lo o galulue ai le Soifua Maloloina o le Lalolagi ina ia maua le malosiaga lea, lea e faaigoa nei o le political will. Silasila lau Afioga, o le tulaga lea o lea i ai nei aua o le mafuaaga lea o le ave i tua o le polokalame lea. Ua fia sefulu tausaga o taumafai mai le Soifua Maloloina ina ia maua le lagolago a nuu i tua. E pei lava ona ou taua foi i le fono talu ai, o lea sa valaauina au ou te auai i faalapotopotoga o le Komiti na tofia faapitoa e le Soifua Maloloina e silasila i auala e mafai ai ona maua ia le fesootaiga ma e o lo o i afioaga i tua, aua peiseai o le tele o polokalame, o lea e agai i totonu o nofoaga tu taulaga ia ma agai i e o lo o i ai le tamaoiga ae le o mafai ona o’o atu i latou o lo o i tua. O le taumafaiga la lea o lea e taumafai ai le Soifua Maloloina ina ia o’o atu polokalame nei i nuu i tua ia ave i tua le galuga, ae aua nei tau o Apia ma tulaga e pei ona e saunoa i ai na o le ave atu lava ma toe fo’i mai Salelologa fai nei i le taulaga, ae ua tatau ona ave i nuu i tua ina ia omai ia le mamalu o le atunuu o lo o i tua latou te silafia le taumafaiga o lo o fai ma aumai le latou lagolago ma galulue faatasi. O le tulaga lea i gasegase le pipisi po o faama’i le pipisi lea tatou te taua nei, ia ai ua ta lauga faafia i lenei mea ma e le na o au foi. O lea ua amata ona silafia e le lautele o tagata o ē e i ai le malamalama e malamalama ai i talaiga ia e aveatu lea ua tele ina tulai mai ma latou lagolago, aua o lea ua o’o atu nei i le 70% o ē e maliliu i totonu o le Pasefika e mafua mai ona o gasegase ia o le suka, toto maualuga, mai fatu, cancer. A o lea la e taumafai atu tatou ina ia ave i tua ia i ai uma ma faafoia, ma o se mea e sili ona ou faanoanoa ai, o le toe tulai mai o Taitai o le Malo e faitio i ai, o lona uiga e le o i ai se lagolago ina ia faaitiitia o tatou tagata maliliu. E peiseai e foliga mai, o lea i ai le isi agaga lea e tuu ai pea se i maliliu ai pea i latou e le o mafai ona o’o i ai le talaiga.

Lau Afioga i le Fofoga Fetalai, o le agaga faanoanoa lea ou te tulai atu ai ma o le agaga foi e fia faamalamalama atu ai, e leai o polokalame nei e ave i tua e manaomia le lagolago a le sui usufono o lea itumalo ma lea itumalo. E

manaomia foi le lagolago a faifeau ma le au tala'i, e manaomia le lagolago a alii ma faipule o se afioaga, ona malosi lea ma maua le autu o le faamoemoe, ona aoga lea o le polokalame lea e ave i tua.

Lau Afioga i le Fofoga Fetalai, ia o le faamalamalamaga lena, ma le ava tele ma le faaaloalo, manuia le Fono.

FOFOGA FETALAI: Malo faafetai. Ia lau Afioga i le Minisita mo Galuega, Felauaiga ma Atinae Eseese, o le a avatu pea ia le avanoa.

Afioga Hon Manualesagalala Mati Tuigamala Enokati Posala (Minisita mo Galuega, Felauaiga ma Atinae Eseese): Lau Afioga i le Fofoga Fetalai, ona o lea sa saunoa foi sui usufono pei e foliga mai ua agai i le itumalo ma faamagalo i le Afioga i le Taitai o le Itu Agai. Ua saunoa foi le Afioga i le Palemia i tulaga i galuega leaga o la e i ai galuega la e faasolo atu agai Lefaga, Salamumu ma Safata. E pei e foliga mai i le saunoaga a le Afioga i le Taitai o le Itu Agai, o galuega ia ma e tasi ia vaega o lea ua pei ua agai i ai le faasea. Ae o galuega nei o le.....

Afioga Hon Palusalua Faapo II: Lau Afioga i le Fofoga Fetalai o le mea e fia faasao.

FOFOGA FETALAI: O lea o le a uma ona avatu lea o le avanoa, lea se i faamalamalama le mataupu.

Afioga Hon Manualesagalala Mati Tuigamala Enokati Posala: O le vaitau o le 2012 sa matagiā ai ma le tatou taligamalo sa feagai ai, ia o lea sa tau fuafua ai seleni e faatino ai a tatou galuega, ne'i faapea mai foi ae leai o galuega ia ua leva ona fuafua ae sa fuafua lava e le Malo i le tulaga o a tatou tupe maua. Ou te faafetai i le Atua o le faaiuga o le tausaga na te'a nei e le'i afaina tatou i ni matagi ma ni lologa ma ni afa. Ia ua maua ai le avanoa ua amata ai ona faatino a tatou galuega ia. Ae o le saunoaga e tusa ai ma le faamagalo o le itumalo, leaga e a ulu tafega ae selefutia Vaisigano. O le tala foi ua fai i Aana, a ua mai Mataiva ma Punaoa saili laia i Punalei se vai magalo aua le ava taute a le Tuiaana. E le faasēa la i lo'u itumalo pei o le Afioga i le Taitai o le Itu Agai ae nofonofo au lea e tataua ona avatu.....

Afioga Hon Palusalua Faapo II: E le maua ai ni au palota i le mea lena uso.

Afioga Hon Manualesagalala Mati Tuigamala Enokati Posala: Ou te talosaga atu, ina ia faamagalo, faamagalo pe afai ua sese ona e afaina ai le itumalo, e afaina ai lo matou itumalo. Ua faafia ona ou faatoese i le Maota lena ona o lou uso a sui usufono, leaga e afaina ai lou itumalo ma le latou tapuaiga la e faafofoga mai. O le ala lea o lou tulai atu o le loto maualalo, aua a afaina, e afaina foi au lena, o maua o sui usufono o la e aumai ai le faatuatuaaga a le itumalo e fofola le fala e lelei ma toamalie ai le atunuu. O lea la faamagalo mai le Afioga i le Taitai o le Itu Agai ona o le ma itumalo, ma le agaga faaaloalo.

FOFOGA FETALAI: Malo.

Afioga Hon Palusalue Faapo II: Lau Afioga i le Fofoga Fetalai, se i vaai la i ai i le mea lea, o le a faamagalo fua au. O le a faamagalo ai fua au i le sueina o ni au palota.

FOFOGA FETALAI: Alaala i lalo! Alaala i lalo le Taitai o le Itu Agai, alaala i lalo. Ou te taofi i lenei taeao le tatou Maota afai ua si'isi'i le tai ua sala ina si'isi'i, leaga o i inei e faatonutonu folau ai le lumanai ma le faafogafoga mai a Samoa. O le Maota lenei o le Maota e fa'ata i ai taualumaga a le atunuu, e fai mea faalogo, fai mea vaavaai e fai ma faataitaiga mo le lumanai. E tasi le manulauti na ou agai atu ai i le taeao, o le a taatia ia ni tuleiga ma saunoaga e pei ona saunoa i ai le Taitai o le Malo ma talifuitau i ai Afioga i Minisita ona o mea foi sa afeafea. Ae ona o le tofiga Taitaifono o le Komiti lenei, o le ala lea o lo'u avatua o le mataupu lenei. E le aoga ona fai fai a tatou faaiuga ae toe o toe faasagatau mai tua, o le mea lena e tau o le fomalalo. E le talafeagai. Silasila o lea ua ou tuua lavale avanoa se i talifuitau Minisita o le tatou Komiti. O le mea aupito sili ona faamanualia i finagalo, o le tapuaiga a Salafai. Ola e faafogafoga mai, o le ala lea o lou avatua o le mataupu lenei, Gagaemauga, Gagaifomauga, e le taitai fetai lenei seleni ma le tamaoiga na avatu e le Matagaluega, ae le o mea ia na tilotilo i ai le itumalo, sa maimoa uma e Samoa ua potopoto ma le aso, toeitiiti afe tagata. O fea na i ai? O le taupata ma le lagolago i le tatou Komiti, aem aise o le Lagolago i le mataupu tuga na tatou feagai ai, o le tausiga o le soifua maloloina. O le ala lea lau Afioga i le Taitai o le Itu Agai, afai o le a sau faafogafoga i lenei aso, ia vaatele. E pei ona ou fai atu i le taimi ua sola, o oe o se tasi e tilotilo laumea, o le ua faalanumaaveave i lea itu o le Maota, o le Taitai o le Itu Agai. Ia tatou taaalo i le polo, ae aua le taalo i le tinok, aua le tauaimaa, o lea foi e tele gaoa lea e tu ai ma vaavaai atu, ae tumu lava ile ava ma le faaaloalo. E tasi lava le mean a ou manao e fai ni ai o le aso lenei, o lea uafaafogafoga tapuai le atunuu, e le mo au, mo le Nofoa lea ou te saofai ai, leaga o le Nofoa o le atunuu. O Samoa e le o se atunuu faaloaloavale. E tasi lava le auga ma le taitaiga o le Maota lenei, o le Fofoga Fetalai. O se mea talafeagai le toe faaleaga o le galuega na e aifilofilo ai ma oe na e ioeina, a o le Fofoga Fetalai o le Maota. Tuu ia Afioga i Minisita o la e tele mea e tua i ai, a o le mamalu o le Palemene, lea ou te taotaoama atu ai.

Lau Afioga i le Taitai o le Itu Agai, ou te taofi o oe o le tagata e lava lou faatuatua i le Atua, o le Aoa Fesoasoani. Afai foi o le a sau faafogafoga i le tulai mai a lou uso a sui usufono, o le lua lena vatapuia, e tau ma tasi le tatou nofo fealofani. Lea na ou talosaga atu nei, ni ai e ave? Vaeane le Alii Faaola e po, feanu, tatui, fasioti, na a? Na faamagalo. Aua e te popole mai ia te au, o au, o leova o lo'u Leoleo Mamoe o Ia, o ai lena e fetogi ma faaleaga ia te au, e tali lava le Atua i ai, ae faafanau e le Atua lou alofa ia te oe, e puna pea i aso uma lo'u ava atu. O lea, o lou avanoa mulimuli lenei e fai mai ai lau faatoesega.

Tulai mai lau Afioga i le Taitai o le Itu Agai.

Afioga Hon PALUSALUE FAAPO II: Lau Afioga i le Fofoga Fetalai, ou te tulai atu ma le agaga faaaloalo i lau Afioga ma le mamalu o le Maota, ua lagalaga finagalo, ua oo ai lava i paia ma sa ma faiga e le gata i lou itumalo a o nisi itumalo ua aumai fua lava i le mataupu lenei, ae ese le faigofie o le mataupu. O lea ua e saunoa, ia, faamasino le atunuu i mataupu nei ua tatou

talanoa ai nei, aua e moni sa tatala i Sasina ae fai uma mea i Apia. O le mea lena e fia fesiligia ai, e tatala i Sasina ae o le a le mean a le faia uma ai i Sasina? Vaeatu lou itumalo, ae fai uma mea i Upolu i Apia. O le mea lena o lea e taumafai atu ai, ae o finagalo ua lagalaga i lenei mataupu, e tasi lava le meauo te fia fesoasoani atu ai i lenei taimi, o le conflict of interest.

Susuga Hon Tuilaepa Fatialofa Auelua Lupesoliai Neioti Aiono Sailele Malielegaoui: Lau Afioga i le Fofoga Fetalai, e i ai lava si mea lea e fia faasao.

FOFOGA FETALAI: Tulai mai lau Afioga i le Palemia.

Susuga Hon Tuilaepa Fatialofa Auelua Lupesoliai Neioti Aiono Sailele Malielegaoui: O le Aso Tofi nei e fai ai le aso tele a le lalolagi e aofia ai la ma Samoa. O le aso tele lea e faalauiloa ai le aso o faleletaua se i tulou, e faataua e le lalolagi. O lea tasi lea o vaega o le soifua maloloina. O lea la ua fausia fale, e le iloa pe tolu ea pe fa e amata ai le polokalame, ona aumai loa lea ia te au, o le a le faiga o le polokalame? Ou tilotilo atu, e eseese fale, e tu le isi fale i tua i talaatu o le Vaipu, mea foi ia vavamamao, e vavamamao la le tulaga o fale. Ona ou fai atu loa lea, ua iloa la le faiga, o le a pue ni ata ona aumai loa lea e faga i luga o mea o stools tetele i luga o le fale o le Malo e tau i lalo, toso mai o i le auala laupapa e tau i i le Tusitala, ae tafana i ai ata o fale nei e matamata ai tagata, ae ou tutu ma ii luma o le fale o le Malo ma fai le upu mo le Malo. O aga ia faaneionapo e i ai vaega e le mafai ai ona e auai, e le o tatou nei o ni spirit mo mea o agaga e mafai ona e... ina five different places at the same time e mafai ona i ai i vaega eseese. O le ala foi lena na toe tu mai ai Iesu, ua tau le talitonu i ai Aposetolo. Fai mai Peteru, ou te tau le talitonu ia te oe, ona o la e manu nmai na iloa oe i o, iloa oe i o, iloa oe i o i le taimi e tasi. Ia ona faafetai lea o Iesu, ioe, leaga foi e ese lava outou ese le mea lea ua ou i ai, o lea ua ou tulai mai i le atoatoa o le agaga. E faapena la ona fai mea faapenei, atonu o le ituaiga tofa lea e fausia ai le Malo, afai e le mafai ona e i ai, o le a e tau alu lava i o, e mafai oan faagasolo atu isi polokalame i totonu iinei, a o la e fai mai isi itu o vaega o le atunuu. E le o se mea fou le mea lenei. A lea sa ou tatalaina atu foi le tatou polokalame, o le tatalaina o fale foi nei e tuu ai, i le faatoa amataga o le aveina i tua o mea nei o telefoni feaveai ma internet ma computer, sa fili ai afioga i Savaii, faapena foi afioga iinei, ae tatala atu e le tama iinei i Apia. Na ona alu atu lava tatagi le telefoni, hello, hello, ia tali mai o, o le a? Ia ua tatala tatou. O mea ua leva ona fai, a o lea e le o malamalama i ai le Taitai o le Itu Agai. O le ala la lena o lea ou te taumafai atu ai, leaga e tofu lava le galuega e fai ma lona faamatalaga tele lava la e i tua atu. Ioe. A na faapea o tatou o ni agaga, e faigofie onafai le mea lena, e tatala mea e lima i le aso e tasi, ae vaai atu lava tagata o la e te tutu mai lava. A o aso la nei, o le age of computerization, tatou faaoga mea a papalagi, faaoga mea ia ae oo i o, faga atu i totonu o le faasalalauga o computer ma internet ia ata, ona taufai atoa uma lava lea e pei foi ona fai taaloga i fafo ae tatou matamata atu iinei. A lelei le au, ua e pati ma e fiafia. Ae a faaletonu le au, e tago atu loa uu lau TV velo i fafo, ua faigofie uma lava mea uma.

Lau Afioga i le Fofoga Fetalai, o le mea lena o lea e tau faamalamalama, leaga o le Vaega nei, ua computer literate. O le mea foi lena, tau fai ma

faalogologo ma ii mea ia matou te fai atu ai, leaga o lea e faaaoga e le Malo, o mea o tekonoosi faaneionapo, ua fai sina maotua tele o outou.

Lau Afioga i le Fofoga Fetalai, o le tulaga lena e toe faaopoopo atu ai, ua ou vaai atu i le Taitai o le Itu Agai, ua mamafa lava ia te ia lenei mea, a o mea faigofie tele.

FOFOGA FETALAI: Ia, ou te taofi o lea ua ou maitau i le saunoaga a le Taitai o le Itu Agai, ou te le toe manao foi e toe faaumiumi atu le tatou taimi i le mataupu lenei. Ua faalua, faatolu avanoa ua ou tuuina atu, ae o lo o i ai pea lona agaga e faataumatatao i le mataupu lenei. Ona ou tautala lemu lea i le Atua ma ou manatunatu i le agaga sili ona talafeagai mo le taeao lenei, o le itu sili ona taua, o e o lo o tapuai mai na aafia i le mataupu lenei. Ou te faamalulu atu ai i afioaga na aafia mai Gagaemauga ma Gagaifomauga, o lo o silafia e le Atua mea uma i le taeao aemaise le Susuga i le Faafeagaiga ia Panapa Fata Too ma le Ekalesia o oe o le lupe faalele a le Aiga Malosi ma le Aiga Satunumafono. Ou te faamalulu atu ai po o le a sa outou faafofoga mai i le taeao lenei, a ua lava ma totoe le faamaulaloga a lau Afioga i le Minsita mo Galuega, Felauaiga ma Atinae Eeseese e iu ai le mataupu lenei i le aso lenei.

I la outou faafofoga mai, o lo o agai pea le Itu Agai, ua lagalaga ai ma nisi tulaga o le Maota.

Afioga Hon Palusalua Faapo II: Lau Afioga i le Fofoga Fetalai.... Na o se tatalo....

FOFOGA FETALAI: Nofo i lalo! Nofo i lalo! Nofo i lalo....

Afioga Hon Palusalua Faapo II: Leaga ua sese le faaupuga, e le faatoese se isi faipule mo au.

FOFOGA FETALAI: Nofo i lalo! E le talitali le mataupu lenei e ui ina lagalaga. O lea e taumafai e faasaosao atu, ua lava lea mo au, ua faafia ona ou tuu atu avanoa ia te oe....

Afioga Hon Palusalua Faapo II: O lea ua ou fai atu, aveese lo'u igoa ma le SPAGHL, ua ou faamavae atu.

FOFOGA FETALAI: Alaala i lalo! Alaala i lalo! Nofo i lalo! O lea ua ou manatu ai, malie le Alataua, ou te manatu ai i le pulea e le Fofoga Fetalai o lona loto ma le faamaulaloga i le faafofoga mai a Samoa ma le tatou Palemene, ua ou talia le faatoesega i le aso lenei e auala mai i se tasi o sui o le itumalo. O agaga ia ma manatu ia sa ou manatu ai, e le avea le tausili o le atigi ae tigaina le alili. O le agaga ma le faamoemoe o lenei aso, sa ou taumafai atu i le tulaga sili, leaga e le na o tatou, e pei ona ou fai atu muamua, aua tatou te taaalo i le tino. E malamalama mea uma i le faafofoga mai a le atunuu ae taliu ma popoe, leaga o lea e tapuai Samoa ma e na fitaituga i le mataupu lenei. Ua ou manatu, o le a faai ai i i. O le a taatia ia le finagalo o le Taitai o le Itu Agai e pule le Atua. O le a tuu mea ia e saunoa i ai, taatia i le Atua le faamoemoe, ae o le a ou pule i lo'u loto ma amanaia le finagalo o le Maota o le a taatia ai faapea.

Malie Aeau, malie Aeau, ou te le tuu atua se avanoa, leaga ana talafeagai lau tuualalo e filemu le mataupu. Alaala i lalo, alaala le sui usufono.

Afioga Hon Aeau Peniamina Leavaiseeta (Falealupo): Lau Afioga i le Fofoga Fetalai... O lea la o le a ou faamalamalama atua lau tuualalo.

FOFOGA FETALAI: Alaala i lalo le sui usufono. Malie ua ova le faaloalo atu.

TUUNA ATU O PEPA

Na tolaulauina e le Failautusi Pepa ua tuuina atu i luga o le Laulau a Fono e tusa ai ma le T.T.48.

1. S.R.2015/8, Tulafono Faatonutonu o Vaalele Sivili (Lafoga mo le Saogalemu ma le Puipuigamalu) 2015.
2. P.P.2015/2016 Nu.62, Lipoti Faaletausaga a le Ofisa o Fuainumera Faamauiina Iulai 2012 – Iuni 2014.
3. P.P.2015/2016 Nu.70, Lipoti o le Faiga palota Laitiiti Itumalo Faaalaalafaga Sagaga le Usoga 17 Aperila 2015.
4. P.P.2015/2016 Nu.71, Lipoti a le Komiti o le Toefuataiga o Tulafono a Samoa i le Puipuiga o Iloa Faaleaganuu Tuufaasolo a Samoa, Lipoti 14/15.
5. P.P.2015/2016 Nu.72, Lipoti Faaletausaga a le Pulega o Tinei Mu ma Faalavelave Tutupu Faafuasei 2013/2014.
6. P.P.2015/2016 Nu.73, Lipoti o Faamatalaga Tau Tupe a le Falemataaga o Robert Louis Stevenson mo le tausaga 2014.
7. P.P.2015/2016 Nu.77, Lipoti Faaletausaga a le Faalapotopotoga Faavae Tau Fatuga’o a Samoa 1 Iulai 2013 – 30 Iuni 2014 & 1 Iulai 2014 – 30 Iuni 2015.

TUUNA ATU O LIPOTI A KOMITI FILIFILIA

Na tolaulauina e le Failautusi Lipoti a Komiti Filifilia nei ua faataatia i luga o le Laulau a Fono Pepa e tusa ai ma T.T.51(5).

1. P.P.2015/2016 Nu.63, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le Tulafono Tau Faaofi o Faiaoga 2015.
2. P.P.2015/2016 Nu.64, Lipoti a le Komiti o Mataupu tau Faamasinoga, Leoleo & Falepuipui i le Tulafono Tau Faaofi o Faamasinoga Faaitumalo 2015.

3. P.P. 2015/2016 Nu. 65, Lipoti a le Komiti o Mataupu tau Faamasinoga, Leoleo & Falepuipui i le Tulafono Tau Faaofi o Taualumaga tau Solitulafono 2015.
4. P.P. 2015/2016 Nu. 66, Lipoti a le Komiti o Oloa Gaosia Tulaga Muamua, Mataupu tau Pisinisi, Alamanuia ma Leipa i le Tulafono Tau Faaofi o Teuteuga o le Tulafono o Faasalalauga 2015.
5. P.P. 2015/2016 Nu. 67, Lipoti a le Komiti o Oloa Gaosia Tulaga Muamua, Mataupu tau Pisinisi, Alamanuia ma Leipa i le Tulafono Tau Faaofi o le Pulega o Faigafaiva 2015.
6. P.P. 2015/2016 Nu. 68, Lipoti a le Komiti o Tupe Maua ma Tupe Totogi i le Tulafono Tau Faaofi o Faasalaga 2015.
7. P.P. 2015/2016 Nu. 69, Lipoti a le Komiti o Oloa Gaosia Tulaga Muamua, Mataupu tau Pisinisi, Alamanuia ma Leipa i le Tulafono Tau Faaofi o Faiga Faatauvaga o Fefaatauaiga ma le Puipuiga o Tagata e Faaogaina Oloa ma Auaunaga 2015.
8. P.P. 2015/2016 Nu. 74, Lipoti a le Komiti o Oloa Gaosia Tulaga Muamua i le P.P. 2015/2016 Nu. 19, Lipoti Faaletausaga a le Matagaluega o Pisinisi, Alamanuia ma Leipa 2013/2014.
9. P.P. 2015/2016 Nu. 75, Lipoti a le Komiti o Oloa Gaosia Tulaga Muamua i le P.P. 2015/2016 Nu. 25, Lipoti Faaletausaga Lona 51 a le Faalapotopotoga o Esetete Tausi a Samoa aso 30 Iuni 2013.
10. P.P. 2015/2016 Nu. 76, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P. 2015/2016 Nu. 39, Faamatalaga i Naunautaiga o Auaunaga a le Faalapotopotoga o Suesuega Faasaienisi a Samoa 2014-2017.

LAFO MO LE FAATAATIAESE O TULAFONO TUMAU AFIOGA I LE PALEMIA

FOFOGA FETALAI: Tulai mai lau Afioga i le Palemia.

Susuga Hon TUILAEPA FATIALOFA AUJELUA LUPESOLIAI NEIOTI AIONO SAILELE MALIELEGAOI: Lau Afioga i le Fofoga i le Fofoga Fetalai ou te tulai atu e faatu le lafo, *Ina ia faataatiaese Tulafono Tumau 106 ma le 107(4), ina ia avanoa ai i le aso fono lenei le Iloiloga Auiliili ma le Faitauga Faatolu o Tulafono Tau Faaofi e 7 ia ua lipotia mai e Komiti a le Palemene i le asō.*

Faaluaina e le Sui Palemia, Minisita mo Pisinisi, Alamanuia ma Leipa, Minisita mo Galuega tau Alamanuia ma Atinae a le Malo, ma le Minisita mo Tina ma Tamaitai, Atinae o Nu'u, Afioga ma Agafesootai.

Na faamaonia le lafo ma tulai ai le Tulafono Tumau 106 ma le 107(4) ua faataatiaese.

TULAFONO TAU FAAOFI O FAIAOGA 2015
- iloiloga auiliili

FOFOGA FETALAI: E tusa ai ma le Tulafono Tumau 106, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai lau Afioga i le Taitaifono o le Komiti o Mataupu tau Aoga, Saienisi, Fesootaiga ma Faamatalaga Tekonolosi.

Tofa LENATAI VICTOR FAAFOI TAMAPUA (Taitaifono o le Komiti o Mataupu tau Aoga, Saienisi, Fesootaiga ma Faamatalaga Tekonolosi): Faafetai mo le avanoa, e fia avea foi lenei avanoa e faatalofa atu ai i lau Afioga o le Fofoga Fetalai o le Maota aemaise foi o sui usufono mamalu uma o le Palemene o Samoa. E faatalofa atu foi i sui o Faauluuluga o Matagaluega aemaise foi sui, faapea foi Ofisa Faasalalau ua tatou faatasi i lenei taeao. E faatalofa faapitoa i le itumalo pele o Vaimauga Sisifo, faapea le faafofogaaga i le paia ma le mamalu o le atunuu.

Lau Afioga i le Fofoga Fetalai, e fia faaoga foi lenei avanoa e faapea, ia faamaise le Agaga faamafanafana o le Atua i le fanau ma le aiga uma i le tina pele ia Elisapeta Rimoni Lupematasila Ioane Palu. O le tatalo, ia tafimala lana faigamalaga ma ia maua sona nofoaga tumau i le malo o le Atua.

Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Faiaoga 2015 faatasi ma Teuteuga.*

Faaluaina e le sui usufono mo Aiga i le Tai, le sui usufono mo Palauli, le sui usufono mo Falelatai & Samatau, le sui usufono mo Gagaifomauga Nu. 2, ma le sui usufono mo Alataua Sisifo.

Na faamaonia le lafo.

FOFOGA FETALAI: E faasilasila atu ua faamaonia nei e le Fono Aoao le Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le Tulafono Tau Faaofi o Faiaoga 2015.

O le a sagai atu le Fono Aoao i le Iloiloga Auiliili o le Tulafono Tau Faaofi o Faiaoga 2015.

E tusa ai ma le Tulafono Tumau 102, e amata le Iloiloga Auiliili o le Tulafono Tau Faaofi i le Fuaiupu 2.

FUAIUPU 2: Faamatalaina o uiga o upu.

Faamaonia.

FUAIUPU 3: Faaaogāina.

Faamaonia.

FUAIUPU 4: Sootaga ma galuega.

Faamaonia.

FUAIUPU 5: E ao ona faamauina ma ia faia laisene o faiaoga.

Faamaonia.

FUAIUPU 6: Faavasegaina o le faamauina.

Susuga Papalii Lio Faavaivaiomanu Taeu Masipau (Faasaleleaga Nu. 2): Lau Afioga i le Fofoga Fetalai.....

FOFOGA FETALAI: O le a le Fuaiupu?

Susuga PAPALII LIO FAAVAIVAIOMANU TAEU MASIPAU: O le Fuaiupu 6 faamolemole.

FOFOGA FETALAI: Tulai mai le sui usufono mamalu mo Faasaleleaga Nu. 2.

Susuga PAPALII LIO FAAVAIVAIOMANU TAEU MASIPAU: Faafetai i lau Afioga i le Fofoga Fetalai mo le avanoa.

E faafesili atu lava i le Afioga i le Taitaifono, i le Faavasegaina ia o le faamauina o alii ma tamaitai faiaoga, pei sa laga foi i le faitauga faalua o lenei Tulafono ia nai aoga foi ia faataitai, pe aafia foi ma faiaoga faataitai, po o i ai se silasila a le Komiti ma le Matagaluega i nai aoga faataitai ia ma faiaoga faataitai, po o aafia i le faavasegaina lea o le faamauina. Ona o le tele foi o nai aoga faataitai i tua i o tatou nuu, pei o lo o i ai le agaga faapena e fia fesootai ma le Matagaluega, pei lava ua maua o lea ua i ai fesootaiga a le Matagaluega ma le tele o aoga faataitai, ae e fia malamalama, o le faamauina? Po o ua aafia ai ma nai aoga faataitai faatasi ai ma nai faiaoga faataitai, ae po o ua maua foi se avanoa o faiaoga faataitai e omai e aoga ai, ina ia tulituli le tusipasi lea e taua i totonu o le Tulafono? Ma le faaaloalo lau Afioga i le Fofoga Fetalai.

FOFOGA FETALAI: Ia tulai mai lau Afioga i le Taitaifono.

Afioga Hon Palusalua Faapo II: Lau Afioga i le Fofoga Fetalai, e faafesili atu lava i le fuaiupu lea e 6?

FOFOGA FETALAI: Ia e faasaoina lou taimi, se i tulai mai le Taitai o le Itu Agai.

Afioga Hon PALUSALUE FAAPO II: I le faavasegaina o le faamauina po o le resitalaina o faiaoga. O lea la lau Afioga i le Taitaifono, po o le a le

tulaga i faiaoga foi ia e leai ni faailoga, faiaoga foi ia ua matutua i le galuega o lo o i ai le agavaa o lo o i ai le tomai i nai faiaoga nei, po o le la le tulaga i le faamauina nei? O le isi tulaga ua ou vaai i le itumalo o le tele ia o pisikoa la ua i ai. Po o le a la le vaega o le Tulafono e mafai ai ona aumai i totonu ia volunteers nei, ina ia faamauina foi e pei o le tulaga o le vaega lea o le Tulafono?

FOFOGA FETALAI: Tulai mai lau Afioga i le Taitaifono.

Tofa LENATAI VICTOR FAAFOI TAMAPUA: Faamalo faafetai e tusa ai ma faafesili, o lea o le a ou amata atu i le fesili pei ona fesiligia e le Taitai o le Itu Agai le vaega la lea o nai faiaoga ia po o ni pisikoa mai fafo. O lea e le i oo atu i le isi vaega o le Tulafono, o lo o i ai ia le vaega lea o le temporarily registration, ae se i tatou oo i ai ona faamanino atili lea o le vaega lea. O le vaega foi lea sa fesiligia e le sui usufono muamua, le vaega lea faiaoga o aoga faataitai, i le fuaiupu 3, ia o lena o lo o taua mai ai le vaega lea, ma le faaaloalo lava.

Faamaonia le Fuaiupu 6.

FUAIUPU 7: Malosiaga e faamatuu atu ai le faamauina ma le vaitaimi o le faamauina.

Faamaonia.

FUAIUPU 8: Tulaga faasaina o le faamatuu atu o le faamauina.

Faamaonia.

FUAIUPU 9: Faamaumauga tau soligatulafono.

Faamaonia.

FUAIUPU 10: Agavaa ma tomai.

Tofa Lealailepule Rimoni Aiafi (Faleata Sisifo): Lau Afioga i le Fofoga Fetalai.....

FOFOGA FETALAI: Tulai mai le sui usufono mo Faleata Sisifo.

Tofa LEALAILEPULE RIMONI AIAFI: Faafetai mo le avanoa, ia i ai le filemu o le Alii ma lau Afioga i lenei taeao, lototele.

O le vaega lea na fesili ai o lea ua manino mai i le (a) o le fuaiupu 10 ia tapulaa maualalo, o lena la ua manino mai i ina, le aveeseina o nai vaega ia na saunoa i ai le Taitai o le Itu Agai i nai faiaoga ia ua leva ona faiaoga. Afai la o kava mai lalo i tusipasi ia temporary, ia lelei. A o le vaega la lea 2 o lo o faapea mai, e tatau ona lua tausaga le tomai faafaiaoga.

Lau Afioga i le Taitaifono, o lea ua masani ona tatou.....aemaise le tele o tamafanau ia e foi mai ma faailoga ae leai ni galuega e amata ai, sa masani ona omai o loa faiaoga, e faiaoga e faatalitali ai nisi galuega, ia pe faiaoga ai lava faiaoga ai lava e faaoga le tomai lea. A o lea la pei e foliga mai i le Tulafono, e ao ona toe o e toe aoga faafaiaoga mo le lua tausaga. O le fesili la lau Afioga, pe mafai ona toe tagai i le vaega lea, ona afai e foi mai ma lau faailoga e sau loa e faigaluega, na o le faiaoga le mea e te agavaa i ai, a o lea e faapea mai le Tulafono, e toe alu la e toe aoga i le isi lua tausaga ma maua sau faailoga faafaiaoga, ona e faatoa agavaa lea. A o le mea la lea e masani ai o lo o i ai i le taimi nei, e mafai lava ona omai nai tamaiti ia ua iu mai faafaiaoga loa, pe i ai la se avanoa e faiaoga ai loa ma fai lana certificate lea i le taimi e tasi? Ae le faapea e toe alu e aoga faafaiaoga faatoa maua ai lea o le agavaa lea e agavaa ai i le lesitalaina lea, ma le faaaloalo lava faafetai.

FOFOGA FETALAI: Malo faafetai. Tulai mai lau Afioga i le Taitaifono.

Tofa LENATAI VICTOR FAAFOI TAMAPUA: Faafetai mo le faafesili. E talitonu a faapea o lo o i ai le agavaa, ia o lea e tatou te le i oo foi i le isi vaega lea o lo o taua ai ia le Discretion o le Council, le Council la lea o le a faaulu atu ai lea talosaga, e faapena ona fau ai foi le isi talaiga aemaise foi o le faalaiseneina o faiaoga. Atonu o le vaega lea lea e avatu ai le talosaga ona fai ai lea o le latou fuafuaga pe talafeagai pe leai, pe tuu i ai se temporary licence ma fai ai le fuafuaga lea pei ona e saunoa mai ai i le vaega lea o le fai o le aoga ia ma aoga ai foi i lena lua tausaga, ma le faaaloalo lava.

Faamaonia le Fuaiupu 10.

FUAIUPU 11: Talosaga.

Faamaonia.

FUAIUPU 12: Faagasologa o le talosaga.

Faamaonia.

FUAIUPU 13: Agavaa ma tomai.

Faamaonia.

FUAIUPU 14: Talosaga.

Faamaonia.

FUAIUPU 15: Talosaga mo le faaopoopoga o le taimi.

Faamaonia.

FUAIUPU 16: Faagasologa o le talosaga.

Faamaonia.

FUAIUPU 17: Tusi faamaonia o le faamauina atoatoa.

Tofa Lealailepule Rimoni Aiafi: Lau Afioga i le Fofoga Fetalai.....

FOFOGA FETALAI: O le a le fuaiupu?

Tofa LEALAILEPULE RIMONI AIAFI: O le fuaiupu 17.

FOFOGA FETALAI: Tulai mai le sui usufono mamalu.

Tofa LEALAILEPULE RIMONI AIAFI: Lau Afioga e faanoanoa lava i le faitau i le fuaiupu lea. A silasila i ai lau Afioga i le vaega lua, e faatoa mafai ona tuuina atu le tusi faamaonia o le faamauina atoatoa ina ua maea ona totogi, e pei o lea ua ave le priority a le totogia mai lau laisene e te le faiaoga, e manatua foi a maua loa lou faailoga lea e te aoga ai lou faiaoga laisene lau certificate, o lena ua e qualify e te faiaoga, a o lea la pei e faapea mai i, e tusa pe e te agavaa ae a le totogia lau fee lea, e le mafai le faamauina o oe, pei o lea ua ave le faamuamua ma le faamamafa o le totogi. O le isi vaega aua o lea sa tatau ona toe tilotilo i ai lau Afioga i le Taitaifono ma le Komiti, pe fia le fee lea, na o le tau mai o le fee ma le prescribe fee ma le totogifuapauina, ae le o iloa e tatou pe fia le ituaiga fee lea e i ai? Aua e tatau foi ona toe tilotilo i ai la outou Komiti, ina ia ave se tau maualalo tele, ma le faaloalo.

FOFOGA FETALAI: O lea ua maua le finagalo o le sui usufono.
Tulai mai le Taitaifono.

Tofa LENATAI VICTOR FAAFOI TAMAPUA: Faafetai. O le fee lea e taua, e sao sa fesiligia foi e le Komiti i le faasofoi ma le Matagaluega, aua o le fee lea, o le minimum fee, o le fee foi lea e iloa ai foi le commitment o le faiaoga o lea e naunau e faiaoga ma fai lana tautua mo tamaiti aoga po o tulaga lea sa fesiligia faapea mai, pe fia se tau, ia atonu o se taimi ona iloa

laia i lalo o Tulafono Faatonutonu, ia a o le totogi ia e le o se totogi tele, ma le faaaloalo lava.

Faamaonia le Fuaiupu 17.

FUAIUPU 18: Tusi faamaonia o le faamauina lē tumau.

Faamaonia.

FUAIUPU 19: O Tusi Resitala.

Faamaonia.

FUAIUPU 20: Laisene faa-faiaoga mo le faamauina atoatoa.

FOFOGA FETALAI: O lo o i ai le Teuteuga a le Komiti i le Fuaiupu 20 e pei ona faaalai i le Pepa Faaopoopo o Galuega.

Tulai mai lau Afioga i le Taitaifono.

Tofa LENATAI VICTOR FAAFOI TAMAPUA: Lau Afioga i le Fofoga Fetalai ou te faatu le Teuteuga i le Fuaiupu 20 e faapea:

“TEUTEUGA:

Fuaiupu 20

Ina ia soloia le fuaiupu “20” o lo o i ai ma suia i le fuaiupu “20 fou” e faapea:

“20. Laisene faa-faiaoga mo le faamauina atoatoa- (1)
I le tuuina muamua atu ai i se faiaoga o le tusi faamaonia o le faamauina atoatoa, e ao i le Resitara ona tuuina atu i le faiaoga i totonu o le pepa faatumu faamaonia se laisene faa-faiaoga mo le faamauina atoatoa, ina ua maea ona totogiina le totogifuapauina faatonuina mo le laisene faa-faiaoga, i le noatia ma le fai fuafua i tuutuuga ua faae atu e le Fono i lalo o le faafuaiupu (4).

(2) E aloaia le laisene faa-faiaoga o le faamauina atoatoa mo le tolu (3) tausaga, e mai i le aso sa tuuina atu ai.

(3) I totonu o le fa (4) masina a o lumanai ai ona muta le aogā o se laisene faa-faiaoga, e ao i le faiaoga

ona talosaga i totonu o le pepa faatumu faamaonia ma tuuina atu faatasi ma le totogifuapauina faatonuina i le Fono.

(4) E mafai e le Fono, i le i ai po o le aunoa ai o ni tuutuuga ona faatagaina le faaopoopoina o le taimi o le laisene faa-faiaoga mo le faamauina atoatoa, lea e mafai ona aofia ai le faamaotiina o le vasega o aoga po o vasega o mataupu ia e faasino i ai le laisene.

(5) E ao i le Fono ona amanaia mea ua taua i lalo pe a faia se faaiuga o le talosaga mo le faaopoopoina o le taimi:

- (a) so o se polokalame tau aoaoga o lo o faaauau pea ona tauaveina e le faiaoga a o faagasolo le vai taimi o le laisene faa-faiaoga o i ai nei; po o
- (b) le faiga o lo o iloilo ai faatinoga o galuega a faiaoga i so o se faiga faavae a le Malo po o, e le aoga o lo o galue faa-faiaoga ai; po o
- (c) so o se isi lava mataupu faatonuina.”

FOFOGA FETALAI: Ia tulai mai le sui usufono mamalu mo Faleata Sisifo.

Tofa LEALAILEPULE RIMONI AIAFI: Faafetai. Lau Afioga i le Taitaifono, o le mea la lea sa ou fesili ai muamua, o le a se finagalo o lau Afioga i le fesiligia ai o le Matagaluega aisea ua 3 ai tausaga. Ia manatua foi o mea faapenei o faiaoga o lea ua pasi atoatoa, pe aisea ua tai 3 tausaga ma faafou ai ae le tuu atu i se isi tausaga pe tai 5 pe tai 10. Afai foi la e toe faafou pe revalidate le certificate, o le a le mea o le a toe totogi ai se tupe, ae le na o le ave lava i ai o le form, ia toe stamp lona ia laisene lea aua e ese lo'u ita i le upu lea o le laisene pe mafai ona toe sui i se isi upu lelei foi lea, e aunoa ma le toe totogi. O lona uiga la o le mea lea e tai 3 tausaga ma toe apply ma toe totogi. O le uiga la lona o lau faamatalaga lea e fai atu, afai e 3 tausaga ma toe apply pe fia la le fee? Pe o le mea na ona toe apply lava e toe faafou e aunoa ma le totogi.

Ma le faaaloalo lava.

Susuga Hon TUILAEPA FATIALOFA AUUEUA LUPESOLIAI NEIOTI AIONO SAILELE MALIELEGAOI: Lau Afioga i le Fofoga Fetalai, o le tulaga lea e fitoitonu i faiga faavae a le tatou Malo. O a'u nei ou te le'i tau lava i se atunuu o le lalolagi e fai ni laisene ae a faafou e leai se mea e totogia, a ou te ofo foi i ia ituaiga mafaufau e aumai e le faavaea Ma o le tulaga i le tai 3 tausaga, o lo'u lava iloa a tai 2 tausaga ua sili atu. Ae manaia le tai 3 tausaga e fai ma assess ai le capability o le faiaoga po o lelei pea. O le mea aupito sili ona tāua, fa'atāua fanau o le a tatou lilifa tele i

faiaoga, ae fa'atāua foi fanau po o lelei ona aoaoina fanau. O le ala lena o lea e ala ai ona fai ma mataitu lelei faiaoga, e le faapea tatou te agai pito tasi i faiaoga ae agai foi ma vaavaai po o faapefea mai fanau. E tasi lava le auala e su'e ai mea na pe pasi i suega, a sau e le pasi, ua atili ai ona tataua ona matua mata'itū faiaoga na e faiaoga ai i ina. Ae leai lava se atunuu o le lalolagi e fai ni laisene po o le a lava, po o le laisene o le taavale po o le laisene o pasi ae toe faafou e leai lava se mea e maua fua. E amata atu i nai mea iti le faamaoni o le tagata, ae a avatu mea iti ia ae le faamaoni, o lona uiga e ta'u mai ai i ina o se tagata matuā pi'opi'o, e lē moomia ni faiaoga pi'opi'o.

Faamaonia le Teuteuga.

Faamaonia le Fuaiupu 20 e pei ona Teuteuina.

FUAIUPU 21: Laisene le tumau faa-faiaoga.

FOFOGA FETALAI: O lo o i ai le Teuteuga a le Komiti. Tulai mai lau Afioga i le Taitaifono.

Tofa LENATAI VICTOR FAAFOI TAMAPUA: Lau Afioga i le Fofoga Fetalai, ou te faatu le Teuteuga i le Fuaiupu 21(1) e faapea;

“TEUTEUGA:

Fuaiupu 21(1)

Ina ia soloia upu “fuaiupu 20(5)” ma suia i upu “fuaiupu 20(4)” ina ia faitauina ai le (1) e faapea:

- (1) **Afai ua faamatuu atu se tusi faamaonia o le faamauina lē tumau po o le faaopoopoina o se taimi o le faamauina le tumau i lalo o le fuaiupu 15, e mafai e le Resitara ona tuuina atu i le pepa faatumu faamaonia, i le faiaoga se laisene lē tumau faa-faiaoga ina ua maea ai ona totogiina le totogifuapauina faatonuina mo le laisene faa-faiaoga, i le noatia ma fai fuafua i tuutuuga e mafai ona faaee atu e le Fono i lalo o le fuaiupu 20(4).”**

Faamaonia le Teuteuga.

Faamaonia le Fuaiupu 21 e pei ona Teuteuina.

FUAIUPU 22: Taofia le tumau o le faamauina.

Faamaonia.

FUAIUPU 23: Faalēaogaina o le faamauina.

Faamaonia.

FUAIUPU 24: Toe faamauina.

Faamaonia.

FUAIUPU 25: Faavaeina.

Susuga PAPALII LIO FAAVAIVAIOMANU TAEU MASIPAU (Faasaleleaga Nu. 2): Lau Afioga i le Fofoga Fetalai, o le faavaeina o le fonu a faiaoga Samoa, e faafesili atu i lau Afioga i le Taitaifono ou te maua foi sa talanoaina i le tatou fonotaga i le faitauga faalua, aemaise foi o lo'u sui sa ou laga ai le vaega lea o asiasi aoga leaga o lea e maitau atu e pei e le o i ai i totonu se suiga. Ua ou maua tala faapea o lea ua toe faatino e le Matagaluega ou te leiloa pe sa'o le faamatalaga lea, aua e taua. Na ou laga i le fonu lea le toe faitauga faalua o le Tulafono lea, sa saunoa le Afioga i le Minisita e manaia le fautuaga. Sa feiloai foi ma le Ofisa Sili o le Matagaluega sa ia lagolagoina foi. E pei o le agaga lea ua ou avatua ai pe le o i ai se silasila a la outou Komiti po o le a foi se tulaga ua o o i ai pei ua ou maua po ua faamaonia vaeatu lau Afioga i le Fofoga Fetalai na ona maua ae le o mautinoa, po o le a se tulaga ua o o i ai tatou asiasi aoga po o toe faatino lea tulaga, ona o o tonu lava lea i le tulaga lea na saunoa ai le Afioga i le Palemia, o le vaaiga o faiaoga ina ia lelei a tatou fanau mo le lumanai. E pei o le agaga lea ma le faaaloalo lau Afioga.

FOFOGA FETALAI: Lau Afioga i le Taitaifono. Oi ia malie se i avatu le avanoa i le Afioga i le Palemia.

Susuga Hon TUILAEPA FATIALOFA AUUEA LUPESOLIAI NEIOTI AIONO SAILELE MALIELEGAOI: Lau Afioga i le Fofoga Fetalai, ou te le i manatua pe na lauga ai le sui i le mataupu lea. O le mataupu lea ua oo mai le Kapeneta ma o lea foi ua fai i ai le mataupu lena lea ua fai i ai le iuga a le Kapeneta.

Susuga PAPALII LIO FAAVAIVAIOMANU TAEU MASIPAU: Lau Afioga i le Fofoga Fetalai, faamaonia na ou lauga lava i totonu o le Palemene

na ou laga i asiasi aoga, e taua tele, taua tele ina ia lelei ona aoaoina a tatou fanau. Ma le faaaloalo.

FOFOGA FETALAI: Ia lea ua maua.

Susuga Hon TUILAEPA FATIALOFA AUELUA LUPESOLIAI NEIOTI AIONO SAILELE MALIELEGAOI: O au nei ou te faamaumaua a outou lauga ua ou fiu e su'e i i i a'u faamaumauga lea e i ai uma lauga uma a oe lea e i totonu i i, ou te le i tau ai lava i se mea o e taua ai.

Tofa Aveau Tuala Lepale Niko Palamo (Faleata Sasae): Lau Afioga, a e tapa le Hansard e faamaonia ai lau tala, ou te le avatua foi se mea e le o i totonu o le Palemene a le atunuu.

FOFOGA FETALAI: O le a le faia se faafinauga o lena ua manino foi le Taitaifono.

Faamaonia le Fuaiupu 25.

FUAIUPU 26: Taitaifono.

Faamaonia.

FUAIUPU 27: Vaitaimi o le tofi ma totogi.

Faamaonia

FUAIUPU 28: Faamavaega, faamutaina ma le avanoa o le tofi.

Faamaonia

FUAIUPU 29: Galuega tauave.

Tofa Lealailepule Rimoni Aiafi: Lau Afioga i le Fofoga Fetalai.....

FOFOGA FETALAI: O le a le fuaiupu?

Tofa LEALAILEPULE RIMONI AIAFI: O le fuaiupu 29.

FOFOGA FETALAI: Tulai mai le sui mamalu.

Tofa LEALAILEPULE RIMONI AIAFI: O lea ou te vaai atu i galuega tauave a le Council a le Komiti, e pei e moomia le full time. e faigaluega faasoloatoa e set up le Council lea pe a fuafua i galuega ia ma le malosiaga lea ua ave i le Council lea. O le mea la lea e fesili atu ai i lau Afioga i le Taitaifono, o le a tonu lava le faavaega o le Council lenei, pe tai pei o se Board foi lele pe tai pei o se Komisi e tumau e faatinoina le tele o galuega nei. Aua pe tuu atu galuega e faatino e le management le tele o isi galuega ia ua tuu mai i le Council latou te faatinoina.

Ma le faaloalo lava.

Afioga Hon PALUSALUE FAAPO II: Lau Afioga i le Fofoga Fetalai...

FOFOGA FETALAI: Tulai mai le Taitai o le Itu Agai.

Afioga Hon PALUSALUE FAAPO II: O le fuaiupu lava lea lau Afioga e fesili atu ai i le Taitaifono o le Council aemaise o le va lea galulue ai o le Council ma le PSC, aua o le PSC lea tatou te iloa o loo feagai ma le tulaga o totogi o faiaoga, ae o lea ua ou vaai atu i vaega o le Tulafono lea o lo o silasila foi i ai le Council i totogi ma alauni. Po o le a la le fesootaiga o vaega ia, po o le mea o le a lafo i i le tauaveina o tulaga ia o faamanuiaga o faiaoga i le Council, ae pe a la le role a le PSC. O la'u fesili lea lau Afioga.

FOFOGA FETALAI: Tulai mai le Taitaifono.

Tofa LENATAI VICTOR FAAFOI TAMAPUA: Faafetai e tusa ai foi ma faafesili. O le fesili lea e fesiligia e le Taitai o le Itu Agai, o lo o manino le amataga o le tatou Tulafono lea, e le o... O le tulaga lava ia o le employment, e le o aafia i totonu o le Tulafono lea, e aafia ai foi la ma totogi o faiaoga, o lo o faia lava i lalo o le Matagaluega.

O le vaega lea e pei ona fesiligia e se tasi o sui usufono le tulaga lea i le Council, o le galuega lava ia i le Council, e galulue latou te faia le galuega, latou te feiloai pe faatolu pe faafa i le tausaga e fai ai le latou assessment lea. O lo o i ai le Resitara, o ia lea e tuufaatasia vaega uma e tapena ai le latou fonotaga, ona omai lea latou feiloai, o lena e te silafia tulaga e fai ai latou faaiuga, e talafeagai faiaoga i lona agavaa, ia pe ua tatau foi ona faamalolo pe le talia foi le Talosaga. Ma le faaloalo lava.

Susuga Hon TUILAEPa FATIALOFA AUeLUa LUPESOLIAI NEIOTI AIONO SAILELE MALIELEGAOI: Lau Afioga i le Fofoga Fetalai.....

FOFOGA FETALAI: Tulai mai le Afioga i le Palemia.

Susuga Hon TUILAEPa FATIALOFA AUeLUa LUPESOLIAI NEIOTI AIONO SAILELE MALIELEGAOI: O lea faatoa faatu se faalapotopotoga foi lea o le Council a faiaoga latou. E manatua foi o professional bodies uma lava, e i ai latou faalapotopotoga e faatu e fai lava latou mea e le aiā atu i ai le Malo e le aiā mai foi i le Malo, ae o a latou lava

galuega e pei foi o le Council a Dentist, Council a Accountants, Suetusi, Council a Suetusi. E tofua lava le faalapotopotoga, Council a Inisinia, Council a le Au Lakapi po o le Board a le Au Lakapi, e le aiā atu i ai le Malo, e fai lava a latou mea e pule lava latou i a latou mea e fai, ave le fautuaga e aumai Malo. E pei o lea e tau vaavaai atu e tau nunu le toau i le itu lena, ae o le tulaga lena ua leva ona naunau lenei foi itutino a le professional body lea ina ia i ai se latou itutino faapenei e mafai ai ona omai e finau mataupu e fitoitonu lava i faiaoga as a body, o se itutino o lo o latou tautuaina le Malo i lenei foi matafaioi taua o le aoaoina o fanau.

Afioga Hon LAUTAFI FIO SELAFI PURCELL (Minisita mo Galuega tau Alamanuia ma Atinae a le Malo): Lau Afioga i le Fofoga Fetalai.....

FOFOGA FETALAI: Oi ia o le a tuu atu le avanoa i le Afioga i le Minisita mo Galuega tau Alamanuia ma Atinae a le Malo.

Afioga Hon LAUTAFI FIO SELAFI PURCELL: Ou te tulai atu ona ua taua le Matagaluega o le PSC, le fesootaiga o le PSC ma le vaega lea. O lena ua faamalamalama atu e le Afioga i le Palemia, o se mea e faatili ai ona lelei faiaoga le mea lea. O le Council lea, e i ai lava latou faiga i totonu lava o le Council ia e filifili ai faiaoga ua tataua ona i ai i totonu ma mea uma lava ia e sau i totonu i i. A o le PSC lava ia, latou te vaaia mea tau tagata faigaluega a le Malo e aofia ai ma le vaega lea.

O le fesootaiga la, ia e aumai ni fautuaga a le Council lea i le PSC pe afai e i ai ni tulaga o mea tau totogi e aafia ai i i, ona silasila lea o le PSC pe talafeagai pe leai. O le sootaga lena ma le faaaloalo lava.

Tofa AVEAU TUALA LEPALE NIKO PALAMO: Lau Afioga i le Fofoga Fetalai.....

FOFOGA FETALAI: Ia le sui usufono mamalu.

Tofa AVEAU TUALA LEPALE NIKO PALAMO: O a'u ou te i ai i le Komiti lea, e fia faamalamalama lava le vaega lea. E ese lava le Council lea, ese le Association a faiaoga. O le Council lea a e tagai i ai, e i ai le CEO o lena e i ina i le Fuaiupu 25 - Establishment o le Council, e i ai le CEO o le SQA, e i ai le Pule o le NUS, o le vaega lea e specific lava latou i le faiga o le mea lea o le resitalaina o faiaoga, a o isi mea na e silafia, e i ai foi ma le sui o le PSA e i ai ma nai faiaoga i totonu, ne'i te'i ua faaseseina e ese lava le Council lea ia. O le Council lea mo le latou lava galuega i le Tulafono lea, ese le Association a Faiaoga.

Ma le faaaloalo lava.

FOFOGA FETALAI: O lea ua manino ma malamalama.

Afioga TOEOLESULUSULU CEDRIC POSE SALESA SCHUSTER (Aana Alofi Nu. 3): Lau Afioga i le Fofoga Fetalai.....

FOFOGA FETALAI: Ia Toeolesulusulu.

Afioga TOEOLESULUSULU CEDRIC POSE SALESA SCHUSTER: Faafetai i Lau Afioga i le Fofoga Fetalai mo le avanoa. E leai o le vaega lea e fia maua ai se malamalamaaga mai le Komiti, ona e i ai se vaega o le atugaluga o lea e maitau atu i le Tulafono i le Council o le a fai a latou assessment ne i te i ua contradict ma le faiga foi o assessment a le PSC ia po o isi foi vaega o Ekalesia o lo o fai a latou aoga. Po o i ai se avanoa e mafai ona galulue faatasi ai ina ne i te i ua talia e le PSC po o aoga faalelotu ae le talia e le Council le approve ina e le Council se faiaoga i sana renewal. O fea la e faaoga? E faaoga lava i private schools po o aoga a le lotu le latou lava assessment ae le talia le assessment a le Council pe faapea foi i le PSC.

FOFOGA FETALAI: Malo. Tulai mai lau Afioga i le Taitaifono.

Tofa LENATAI VICTOR FAAFOI TAMAPUA: Faafetai mo le faafesili. O vaega uma ia lau Afioga e pei ona fesiligia e le sui usufono, ua maea ona faatalanoaina i le polokalame faalauiloa a le Matagaluega ma le Ofisa o Loia ma aoga uma ia, aoga tumaoti ma aoga a Ekalesia. O lea la ua latou malilie uma i le tulaga ua i ai e pei ona faataatitia mai i totonu o le Tulafono lea. O assessment ia e pei ona e taua i le Council, e talitonu lava i lou iloa e tusa ai ma le Tulafono o assessment e agai i le faamaonia o talosaga o ē e fia faiaoga ma talosaga mai e manao e laisene ma resitala faa-faiaoga. Na o le pau a lena o le galuega a le Council ia ae o nisi tulaga tau employment ma vaega ia leai e le o aofia a la i le Council tulaga ia, ma le faaaloalo lava faafetai.

Afioga TOEOLESULUSULU CEDRIC POSE SALESA SCHUSTER: Lau Afioga i le Fofoga Fetalai, e leai ona o lea o lo o tupu i le taimi nei. O nisi o faiaoga e lei mae'a ona faia a latou qualification o lo o faapea ona faaogaina i nisi o aoga a Ekalesia po o nisi foi o aoga i tua. O le popolega la i le vaega lea ona e ono e o'o i ai le feeseeseaiga e le o tulai mai i le taimi nei ina ia mafai ona galulue faatasi. Afai e le talia e le Council le registration po o le laisene o se faiaoga ae mafai i lalo o le right a le private school po o le mission school latou te faafaiaogaina ai lea faiaoga..

FOFOGA FETALAI: Ia o lea ua maua atu le finagalo o le sui usufono, tatou lafo ia le faatuatuaga i le Matagaluega. Ou te manatu o lea e manino foi le faatulaiina mai o le Tulafono i le faavaeina o lena Council. Ua i ai foi ona pa puipui ma lana matafaioi, o la foi e i ai le faautautaga i le Minisita ma le Matagaluega e faatonutonu folau ai faafitauli pei ona i ai le finagalo o le sui usufono.

Faamaonia le Fuaiupu 31.

FUAIUPU 32: Talosaga Tete.

Faamaonia.

FUAIUPU 33: Amioga lē pulea tau tomai faapitoa.

Faamaonia.

FUAIUPU 34: Faia o faasea.

Faamaonia.

FUAIUPU 35: Iloiloga o faasea.

Faamaonia.

FUAIUPU 36: Faasee atu o le mataupu i isi lala sooupu.

Faamaonia.

FUAIUPU 37: Suesuega ma le faasee atu o faasea i le Komisi Faamasino.

Faamaonia.

FUAIUPU 38: Faavaeina

Faamaonia.

FUAIUPU 39: Malosiaga.

Faamaonia

FUAIUPU 40: Tualumaga.

Faamaonia.

FUAIUPU 41: Faasalaga.

Faamaonia.

FUAIUPU 42: Talosaga tetee i le Faamasinoga Sili.

Faamaonia.

FUAIUPU 43: Soligatulafono.

Faamaonia.

FUAIUPU 44: Tusi faamaonia e avea faamatalaga molimau.

Faamaonia.

FUAIUPU 45: Tuusaunoaga mai noataga tau le tagata lava ia

Faamaonia.

FUAIUPU 46: Tulafono Faatonutonu.

Faamaonia.

FUAIUPU 47: Ua teuteuina le Tulafono o Aoga 2009.

Faamaonia.

FUAIUPU 48: Soloaiga ma aiaiga faasaoina.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Tulafono o Faiaoga 2015.

Faamaonia.

Na faagasolo le Tulafono Tau Faaofi o Faiaoga 2015 faatasi ma Teuteuga.

FOFOGA FETALAI: Ou te manatu o lea ua ta tonu le taimi o le tatou malologa masani, E i ai le manatu ua tatau ona vasa'i foe, fai le tatou malologa ma le taligasua, ona faaauau ai lea o la tatou galuega.

Na faataatiaese Taulumaga a le Fono Aoa mo lana malologa masani i le itula e 10:44 i le taeao ma toe faaauau i le itula e 11:22 i le taeao.

FOFOGA FETALAI: E faasilasila atu ua toe amataliaina nei Taulumaga o le Fono Aoa Faitulafono. E maualuga le talitonuga ua maea le taligasua i leni taeao, e i ai le faamoemoe ua maua le faamalositino e sui usufono mamalu o le Maota. O a mea ua foi e le Atua aua le tatou tausamiga ia foi pea le viiga ia te ia ona o lona alofa faasoaso i aso uma aua le faamoemoe o le sailiga malosi mo le tatou Palemene.

E faia le tatou malologa o lo o faagasolo pea le tatou galuega faaauau aemaise le lauliuina o le tatou Tulafono.

**TULAFONO TAU FAAOFI O FAAMASINOGA FAAITUMALO 2015
– iloiloga auiliili**

FOFOGA FETALAI: E tusa ai ma le Tulafono Tumau 106, e tatau ona faamaonia muamua e le Palemene le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai lau Afioga i le Taitaifono o le Komiti o Mataupu tau Faamasinoga, Leoleo & Falepuipui ma Faamasinoga o Fanua ma Suafa.

Tofa TUISA TASI PATEA (Taitaifono o le Komiti o Mataupu tau Faamasinoga, Leoleo & Falepuipui ma Faamasinoga o Fanua ma Suafa):

Ou te talitonu o lea ua maea ma sao i alo le taliga o le sua i le mamalu o le Palemene ua maua foi se faamalositino o le Maota nei. Ia e faatalofa atu foi i lau Afioga i le Fofoga Fetalai aemaise le mamalu o le Maota.

Lau Afioga i le Fofoga Fetalai ou te faatu le lafo, *Ina ia faamaonia e leni Fono Aoa le Lipoti a le Komiti o lo o fautuaina ai- Ina ia faagasolo le Tulafono Tau Faaofi o Faamasinoga Faaitumalo 2015 faatasi ma Teuteuga.*

Faaluaina e le sui usufono mo Aiga i le Tai, sui usufono mo Palauli, sui usufono mo Falelatai ma Samatau, sui usufono mo Gagaifomauga Nu. 2, ma se tasi o sui usufono mo Vaimauga Sisifo, Tofa Lenatai Victor Faafoi Tamapua, sui usufono mo Gagaifomauga Nu.1, ma le sui usufono mo Alataua Sisifo.

Na faamaonia le lafo.

FOFOGA FETALAI: E faasilasila atu ua faamaonia nei e le Fono Aoao le Lipoti a le Komiti o Mataupu tau Faamasinoga, Leoleo ma Falepuipui i le Tulafono Tau Faaofi o Faamasinoga Faaitumalo 2015.

O le a sagai atu le fono Aoao mo le iloiloga auiliili o le Tulafono Tau Faaofi o Faamasinoga Faaitumalo 2015.

E tusa ai ma le Tulafono Tumau 102, e amata le iloilga auiliili le Tulafono Tau Faaofi i le Fuaiupu.

FUAIUPU 2: Faamatalaina o uiga o upu.

Faamaonia.

FUAIUPU 3: Tulafono e noatia ai le Malo.

Faamaonia.

FUAIUPU 4: E faaauau pea Faamasinoga Faaitumalo.

Faamaonia.

FUAIUPU 5: Nofoga mo tualumaga a le Faamasinoga.

Faamaonia.

FUAIUPU 6: Tofiga ma agavaa o Faamasino.

FOFOGA FETALAI: O lo o i ai teuteuga a le Komiti i le fuaiupu 6 e pei ona faalia i le Pepa Faaopoopo o Galuega.

Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 6(3) e faapea:

“TEUTEUGA:

Fuaiupu 6(3)

Ina ia suia le faafuaiupu (3) o lo o i ai nei i le faafuaiupu (3) fou e faapea:

“(3) E lē agavaa se tagata e tofia e avea ma Faamasino seia vagana ai ua taliaina le tagata ma galue o se loia i totonu o le faamasinoga i totonu o Samoa po o, i totonu o se atunuu ua faamaonia mo se vaitaimi e, po o mo ni vaitaimi i le tuufaatasiga e lē itiiti ifo i le 8 tausaga.”

Faamaonia le Teuteuga.

Faamaonia le Fuaiupu 6 e pei ona Teuteuina.

Tofa Aveau Tuala Lepale Niko Palamo: Lau Afioga i le Fofoga Fetalai.....

FOFOGA FETALAI: Tulai mai le sui usufono mamalu.

Tofa AVEAU TUALA LEPALE NIKO PALAMO: Lau Afioga i le Fofoga Fetalai o le fuaiupu 6 i le (3) faamolemole. Ou te faafesili atu a i lau Afioga i le Taitaifono i le vaega lea e tau o le faamaonia mo se vaitaimi po o le approved country ona e le o i ai se definition o sau ai i tua o le mea lea. O lea e sau ai le faaupuga lea o le filifiliina o se Faamasino e aofia ai ma se i si e filifili mai i se approved country a o lea e sau le faasamoa ii o le faamaonia mo se vaitaimi. E mafai ona aumai se faamalamalamaga mo le vaega lea po o ai foi se atunuu e faasino i ai lea vaega, faafetai lava.

FOFOGA FETALAI: Tulai mai lau Afioga i le Taitaifono.

Tofa TUISA TASI PATEA: O le vaega lea o le Tulafono pei ona tuuina mai ia o i latou foi nei o lo o galulue e avea ma Loia i totonu o le Faamasinoga, Barrister. Ia faatasi ai la ma i latou foi i totonu o Samoa lena, ia faatasi ma i latou i totonu o i si atunuu ua faamaonia mo se vaitaimi. E pei ona silafia o le tele a o Loia a tatou lea i ai i le taimi lenei e omai i atunuu ia pei o Niu Sila ma Ausetalia ia o lo o i ai i lalo o le tulaga lea.

FUAIUPU 7: Faamasino Sinia o le Faamasinoga Faaitumalo.

Faamaonia.

FUAIUPU 8: Tofia o Faamasino Fesoasoani.

Faamaonia.

FUAIUPU 9: Totogi ma faamanuiaga.

Faamaonia.

FUAIUPU 10: O le nofoia ma le aveesea mai le tofi.

FOFOGA FETALAI: O lo o i ai Teuteuga a le Komiti i le fuaiupu 10 e pei ona faaalua i le Pepa Faaopoopo o Galuega.

Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 10(2) e faapea:

“TEUTEUGA:

Fuaiupu 10(2)

Ina ia suia le faafuaiupu “(2)” i le faafuaiupu “(2) fou” e faapea:

“(2) E umia e se Faamasino o le Faamasinoga Faaitumalo po o se Faamasino Fesoasoani, le tofi seia oo ina ua ia aulia le 68 tausaga lona matua vagana ai ua faaopoopoina lona taimi e Le Ao o le Malo, e faia i luga o le fautuaga a le Komisi o Galuega tau Faamasinoga.”

FOFOGA FETALAI: Tulai mai le sui usufono mamalu, le sui usufono mo Faleata Sisifo.

Tofa LEALAILEPULE RIMONI AIAFI: Lau Afioga i le Taitaifono ou te fia fesili i le vaega lea o le Tulafono, pe aisea le mafuaaga ua toe tuu ai i lalo i le 68 tausaga aua o lea manino a le Tulafono lea e i ai e 70 ona maea loa lea. Ae o lea la ua faimai e tuu i le 68 ae i ai le avanoa e toe maua ai se avanoa pe a talosaga mai e toe faaopoopo. O lona uiga la o le faamatalaga e le o aumaia la i i se taimi tapulaa, po o le mea a 68 loa ua mafai ona ova atu i le 70 e fuafua i le talosaga mai ma faaopoopo, faaopoopo, faaopoopo. O lea a tatou te vaai i ai o i lea atagia ai le tulaga o lea foi ua soifua uumi o tatou tagata e le gata i lea o galuega nei o le umi ona e faia ma e faatinoina o le umi foi lea o lau tofa ma le lava o le faautautaga e fai ai faaiuga talafeagai aua ua leva ona galue. O lea la sa ou faapea o le 70 tausaga lea i ai o lea lava e talafeagai, o lea foi a e vaai i sui usufono o le tatou Palemene e i ai a le tele o sui usufono ua sili atu i le 70 ae o lo o malolosi lava ma lelei le mafaufau. O le fesili la, aisea la ua 68 ai? O fea e aumai ai le fuainumera lea 68, ae afai ua

aveese le 70 aua o le 70 e mafai ona o’o i ai ona litaea loa lea. Ae afai la o lea ua tuu i le 68 pe faaauau pea la pe i ai se i si tausaga e sili atu aua o lea tatou te vaai i Faamasino i atunuu i fafo e tau tootoo a ae la e fai a, ia ma le faaaloalo lava.

FOFOGA FETALAI: Malo saunoa, le sui usufono mo Aana Alofi Nu. 3, e i ai se mea sa e fia saunoa ai?

Afioga TOEOLESULUSULU CEDRIC POSE SALESA SCHUSTER: Lau Afioga i le Fofoga Fetalai faafetai mo le avanoa. O le vaega 10 i le eseese o le Faamasino Faaitumalo ma le Faamasino Fesoasoani. Ou te fia faafesili ai i le eseese o le lua lea faamolemole.

FOFOGA FETALAI: Tulai mai le Taitaifono.

Tofa TUISA TASI PATEA: Se i ou agai muamua i le fesili a le sui usufono mamalu lea na saunoa muamua. O le 68 tausaga lea pei ona taua o lea ua sui mai ai le 70 tausaga sa aumai muamua i le Tulafono. Sa faatalanoaina foi le Matagaluega ma le Loia Sili aemaise foi ia le matou Komiti ia ma i latou o lo o aga tonu i ai lenei Tulafono. Ia o le eseese ua i ai nei ia o lene ua i ai le 68 tausaga talu ai ona o Faamasino o le Faamasinoga maua e 68 tausaga o lo o i ai. O lo o i lalo foi o le tatou Faavae, le Constitution a Samoa e 68 tausaga. Ia o se iuga la lene lea ua i ai nei ina ia faatutusa lelei ia tausaga o Faamasino ia i lalo o le Faamasinoga Faaitumalo....

Susuga Hon TUILAEPA FATIALOFA AUELUA LUPESOLIAI NEIOTI AIONO SAILELE MALIELEGAOI: Lau Afioga i le Fofoga Fetalai, o le Teuteuga lea ou te tau matauina atu o le 2005 lea na teuteu ai le Faavae. O le taimi lene e litaea i le 62 tausaga lea la na alai ona toe tuu i luga i le 68 tausaga ona faimai foma i o le mafaufau o iina e amata ai ona faaletonu Faamasino i le agai atu i le 69 ma le 70. Na o Faamasino a e faaletonu pe a ova atu i le 68.

Tofa LEALAILEPULE RIMONI AIAFI: Ia ua lava ia lea lau Afioga, ia aua afai e apalai i le Faamasino e tatau foi ona apalai mai i le Palemene.

FOFOGA FETALAI: Ia se i e oo i lou 68 ona faatoa e iloa lea o le mea lea e taumafai atu.

Faamaonia le Teuteuga.

Faamaonia le Fuaiupu 10 e pei ona Teuteuina.

FUAIUPU 11: O isi tofi faaletulafono e umia e Faamasino.

Faamaonia.

FUAIUPU 12: Sui Faamasino ma Faamasino Fesoasoani.

FOFOGA FETALAI: O lo o i ai le Teuteuga a le Komiti i le fuaiupu 12 e pei ona faaalua i le Pepa Faaopoopo o Galuega.

Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 12(4) e faapea:

“TEUTEUGA:

Fuaiupu 12(4)

Ina ia aveese upu “70 tausaga” ma suia i upu “68 tausaga” ina ia faitauina ai le (4) e faapea:

(4) E leai se tagata agavaa e taofia mai le tofiaina e avea ma Faamasino i lalo o lenei fuaiupu, e ala i le na o se mafuaaga o le mea moni e faapea, ua ia aulia le 68 le matua o tausaga.”

Tofa Lealailepule Rimoni Aiafi: Lau Afioga i le Fofoga Fetalai.....

FOFOGA FETALAI: Tulai mai le sui usufono mamalu.

Tofa LEALAILEPULE RIMONI AIAFI: O le mea lea e tau aveatu ai se manatu lau Afioga ina ia consistent le tatou Tulafono. O lea e aumai nei mea foi nei o Board of Directors o le 70 lea e aumai foi e latou ia. O le mea la lea e talanoa atu ai ona o lea ua aumai e 68 ae o le mafuaaga tonu lea o lea e fia iloa e lou sui usufono po o le a lava le mea ua inaina ai i lea 68. Pe na fai se suesuega a le latou Komiti o le 68 le numera e tataua ona aumai, aua i lo’u talitonuga o le faailoga tagata foi le mea lea. O le galuega faa-Faamasinoga e faaoga le mafaufau e le faaogaina le tino.

Susuga Hon TUILAEPA FATIALOFA AUUEA LUPESOLIAI NEIOTI AIONO SAILELE MALIELEGAOI: Lau Afioga i le Fofoga Fetalai ona o lea ua uma ona pasia le lafo, ou te fautu atu ina ia tatou faagasolo.

Tofa LEALAILEPULE RIMONI AIAFI: Ia tatou faagasolo ia faafetai.

Faamaonia le Teuteuga.

Faamaonia le Fuaiupu 12 e pei ona Teuteuina.

FUAIUPU 13: Tautoga o le Tofi.

Faamaonia.

FUAIUPU 14: O le Resitara ma Resitara Lagolago.

Faamaonia.

FUAIUPU 15: Tiute tauave e faasino i faamaumauga a le faamasinoga.

Faamaonia.

FUAIUPU16: Tofia o tagata ao sala.

Faamaonia.

FUAIUPU 17: Malosiaga ma tiute tauave o tagata ao sala.

Faamaonia.

FUAIUPU 18: Tiute tauave o tagata ofisa uma o le faamasinoga.

Faamaonia.

FUAIUPU 19: Tapulaa o Puleaga faa-faamasinoga tau le va o tagata.

Faamaonia.

FUAIUPU 20: Tuueseina o se vaega o le tagi ina ia tuuina atu ai i le Faamasinoga le puleaga faa-faamasinoga.

Faamaonia.

FUAIUPU 21: Maliega a itu faamasinoga e faagasolo se tagi.

Faamaonia.

FUAIUPU 22: E lē faatagaina le vaevaeina o mafuaaga o se tagi.

Faamaonia.

FUAIUPU 23: Puleaga faaopoopo faa-faamasinoga tau le va o tagata.

Faamaonia.

FUAIUPU 24: Puleaga faa-faamasinoga e faia ai tagi e faasino i fanua.

Faamaonia.

FUAIUPU 25: Puleaga faa-faamasinoga e vaevaeina ai meatotino e mafai ona feaveai.

Faamaonia.

FUAIUPU 26: Puleaga faa-faamasinoga e sa'o ma tonu.

Faamaonia.

FUAIUPU 27: Pulega i le faiga faigofie.

Faamaonia.

FUAIUPU 28: Faataunuaina o puleaga faa-faamasinoga tau le va o tagata i lalo o isi Tulafono.

Faamaonia.

FUAIUPU 29: Faamama avega e faia e aunoa ma le faatuai i mataupu tau le va o tagata.

Faamaonia.

FUAIUPU 30: Puleaga faa-faamasinoga tau solitulafono a Faamasino ma Faamasino Fesoasoani.

Tofa AVEAU TUALA LEPALE NIKO PALAMO: Lau Afioga i le Fofoga Fetalai.....

FOFOGA FETALAI: O le a le fuaiupu?

Tofa AVEAU TUALA LEPALE NIKO PALAMO: O le fuaiupu e 30 faamolemole lau Afioga.

FOFOGA FETALAI: Ia se i fai muamua Teuteuga ona aveatu lea o le avanoa. O lo o i ai Teuteuga a le Komiti i le fuaiupu 30 e pei ona faalia i le Pepa Faaopoopo o Galuega.
Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 30(2) e faapea:

“TEUTEUGA:

Fuaiupu 30(2)

Ina ia aveese le fuainumera “1977” ma suia i le fuainumera “2014” ina ia faitauina ai le (2) e faapea:

(2) E i ai se Faamasino se puleaga faa-faamasinoga e fofogaina ai ma faia se faaiuga o so o se taualumaga ua amataina i lalo o le Tulafono o le Ofisa o Tiute 2014.”

FOFOGA FETALAI: Tulai mai le sui usufono mamalu mo Faleata Sasae.

Tofa AVEAU TUALA LEPALE NIKO PALAMO: Faafetai mo le avanoa lau Afioga i le Fofoga Fetalai, ae ou te fia faafesili atu i lau Afioga i le Taitaifono i le fuaiupu 30 i lona (3)(b) lea faapea mai ai e gata le malosiaga o le Faamasino fesoasoani na te faia ai se faaiuga i le \$500.00 pe a faapea o se mea ua gaioi e gata ai i le malosiaga. O lau faafesili, pe aisea ua gata ai i le \$500.00 pe i ai se Tulafono international ua mafai ai ona \$500.00. Ua ala ona ou fesili lau Afioga i le Fofoga Fetalai a tagai ifo i luga i le (a) e mafai e le Faamasino fesoasoani ona faasala le tagata e ova atu i le \$5,000.00, five penalty units. A o lea e sau i lalo i le (b) e le mafai ona ia faia se

Faamasinoga pe a ova atu i se \$500.00 se mea ua gaio e se isi. O lau fesili pe i ai se mafuaaga ma le faaaloalo lava.

FOFOGA FETALAI: Tulai mai le Taitaifono o le Komiti.

Tofa TUISA TASI PATEA: Ou te masalo o le a ou tali muamua atu lava i le five penalty units lea sau i le (a) ona faigofie a lea ona maua le auga o le fesili. O le 5 penalty e \$100.00 i le penalty o lona uiga na o le \$500.00 e le \$5,000.00. O le tulaga pei ona i ai lena ua faamanino mai i le tatou Tulafono ia le jurisdiction a le Faamasino fesoasoani na o vaegatupe a e o'o i le \$2,000.00. O lena ua sii mai le tulafono tuai sa i ai mai le \$1,000.00 i le \$2,000.00 i civil claims ia po o le 12 masina lena ua i ai e pei ona faamaninoina mai i le tatou Tulafono, faafetai.

Faamaonia le Teuteuga.

Faamaonia le Fuaiupu 30 e pei ona Teuteuina.

FUAIUPU 31: Faaliliuina atu o taualumaga tau le va o tagata pe afai ua maualuga atu i le tapulaa.

Faamaonia.

FUAIUPU 32: Faaliliuina atu o taualumaga e Faamasino Fesoasoani.

Faamaonia.

FUAIUPU 33: Faaliliuina atu o taualumaga pe afai o lo o i ai se talosaga tetee e tali atu ai.

Faamaonia.

FUAIUPU 34: Faaliliuina atu o taualumaga faa-faamasinoga mai le Faamasinoga Sili i le Faamasinoga Faaitumalo.

Faamaonia.

FUAIUPU 35: Totogi o le faamasinoga i mataupu ua faaliliu atu.

Faamaonia.

FUAIUPU 36: Tulaga agavaa o itu faamasinoga latou te molia ai ma molia ai foi i latou i totonu o le Faamasinoga Faaitumalo.

Faamaonia.

FUAIUPU 37: O tagata ua noatia i tulaga soofaatasi

Faamaonia.

FUAIUPU 38: Tualumaga e faia faasaga i le toesea ai o lē ua tetee.

Faamaonia.

FUAIUPU 39: Aia tatau e tulai ai i luma o le faamasinoga.

Faamaonia.

FUAIUPU 40: Faamalosia tagata molimau.

Faamaonia.

FUAIUPU 41: Tupe alu e totogi ai tagata molimau.

Faamaonia.

FUAIUPU 42: O faamatalaga molimau e ala i faamatalaga tauto po o faamaoniga aloaia.

Faamaonia.

FUAIUPU 43: Faamatalaga molimau a tagata molimau i fafo atu o le Faamasinoga.

Faamaonia.

FUAIUPU 44: O isi mataupu o taualumaga tau le va o tagata.

Faamaonia.

FUAIUPU 45: Aloaia o faaiuga ma poloaiga.

Faamaonia.

FUAIUPU 46: Faamalosia o faaiuga.

FOFOGA FETALAI: O lo o i ai le Teuteuga a le Komiti i le fuaiupu 46 e pei ona faaalai i le Pepa Faaopoopo o Galuega.

Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 46 e faapea:

“TEUTEUGA:

Fuaiupu 46(1)(a)

Ina ia aveese upu “o se poloaiga e faataga ai le faoa faamalosia o meatotino” ma suia i upu “poloaiga a le faamasinoga e faatagaina ai le faatauina atu” ina ia faitauina ai le (a) e faapea:

“(a) o le faatinoga e faia faasaga i oloa ma meatotino e mafai ona feaveai a le tagata e totogiina le tupe i le isi tagata e ala i le faaiuga i lalo o se poloaiga a le faamasinoga e faatagaina ai le faatauina atu.

Fuaiupu 46(3)

Ina ia aveese upu “tusi faapoloaiga” ma suia i upu “poloaiga a le faamasinoga” ina ia faitauina ai le (3) e faapea:

(3) E ono mafai ona faamalosia se faaiuga po o se poloaiga mo le toe maua mai o fanua i lalo o se poloaiga a le faamasinoga mo le toe maua mai o fanua.

Fuaiupu 46(9)(a) & (d)

Ina ia aveese le fuaitau “o se poloaiga e faataga ai le faoa faamalosi o meatotino” ma suia i le fuaitau “poloiga a le faamasinoga e faatagaina ai le faatauina atu” ina ia faitauina ai le (a) & (d) e faapea:

(a) so o se taualumaga, faagasologa po o manaoga e faasino i se poloaiga a le faamasinoga e faatagaina ai le faatauina atu;

(d) faasalaga mo so o se tulaga e faalavelaveina ai e lē tusa ma le tulafono po o le tagofia ai o oloa ua faoa faamalosi i lalo o se poloaiga a le faamasinoga e faatagaina ai le faatauina atu;

Fuaiupu 46(k) & (l)

Ina ia aveese upu “tusi faapoloaiga” ma sui i upu “poloiga a le faamasinoga” ina ia faitauina ai le (k) & (l) e faapea:

(k) o mataupu e talafeagai ma tulaga faaletonu i le faatinoga o poloaiga a le faamasinoga mo le toe maua mai o fanua, ma noataga e tulai mai so o se faaogaina faasolitulafono o sea poloaiga a le faamasinoga.

(l) so o se taualumaga, faagasologa po o manaoga e faasino i le toe maua mai o meatotino e mafai ona feaveai, ma le aia tatau e faia ai nisi taualumaga pe afai e le toe maua mai meatotino e mafai ona feaveai i lalo o se poloaiga a le faamasinoga;

Fuaiupu 46(9)(m)

Ina ia faaopoopo i le faaiuga o le (m) le fuaitau “tusa lava pe e le’i faia se faaiuga po o se poloaiga pe leai foi” ina ia faitauina ai le (m) e faapea:

(m) o le faafoega o tagata tetee sosola tusa lava pe e le’i faia se faaiuga po o se poloaiga pe leai foi; po o”

Faamaonia le Teuteuga.

Faamaonia le Fuaiupu 46 e pei ona Teuteuina.

FUAIUPU 47: Taimi faatapulaaina mo le faamalosia o faaiuga.

Faamaonia.

FUAIUPU 48: Faamalosia o poloaiga mo le totogiina o tupe e ala i le totogi auauai.

Faamaonia.

FUAIUPU 49: Taulumaga i luga o faaiuga fetauiai.

Faamaonia.

FUAIUPU 50: Malosiaga e taofia ai taulumaga mo le faamalosia

Faamaonia.

FUAIUPU 51: Aia tatau e talosaga tetee ai.

Faamaonia.

FUAIUPU 52: Faasilasilaga o talosaga tetee.

Faamaonia.

FUAIUPU 53: Taimi mo talosaga tetee.

Faamaonia.

FUAIUPU 54: Faamalumaluga mo talosaga tetee.

Faamaonia.

FUAIUPU 55: Talosaga tetee e tali ai.

Faamaonia.

FUAIUPU 56: Taulumaga pe afai e le i suesueina se talosaga tetee.

Faamaonia.

FUAIUPU 57: Taulumaga i le fofogaina o le talosaga tetee.

Faamaonia.

FUAIUPU 58: O isi malosiaga o le Faamasinoga Sili i le fofogaina o talosaga tetee.

Faamaonia.

FUAIUPU 59: E ao ona fautuaina le Faamasinoga na talosaga tetee mai ai, e uiga i le faaiuga.

Faamaonia.

FUAIUPU 60: Taofia o taulumaga i luga o talosaga tetee.

Faamaonia.

FUAIUPU 61: Faamasinoga e faia e Faamasino po o Faamasino Fesoasoani.

Faamaonia.

FUAIUPU 62: E mafai ona seei faatasi le Faamasino Fesoasoani ma se Faamasino.

Faamaonia.

FUAIUPU 63: Ia faia tusitusiga ootoo e Faamasino ma Faamasino Fesoasoani.

Faamaonia.

FUAIUPU 64: E leai se tagi e faia seia vagana ai se gaoioiga ua sili atu i lo, po o, e aunoa ma se pulega faa-faamasinoga.

Faamaonia.

FUAIUPU 65: Pui-puigamalu i Faamasino ma Faamasino Fesoasoani.

Faamaonia.

FUAIUPU 66: E lē fesiligia Taulumaga mo faatulagaga manaomia.

Faamaonia.

FUAIUPU 67: Tetee po o le faalavelaveina o se tagata ofisa o le faamasinoga.

Faamaonia.

FUAIUPU 68: Amio lē pulea a tagata ofisa.

Faamaonia.

FUAIUPU 69: E lē galulue tagata ofisa o le faamasinoga e avea ma loia faufautua.

Faamaonia.

FUAIUPU 70: Faatamala o tagata ao sala.

Faamaonia.

FUAIUPU 71: Tulaga faaletonu i le faatinoga o tusi faapoloaiga.

FOFOGA FETALAI: O lo o i ai le Teuteuga a le Komiti i le fuaiupu 71 e pei ona faaalua i le Pepa Faaopoopo o Galuega.

Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le Fuaiupu 71 e faapea:

“TEUTEUGA:

Fuaiupu 71

Ina ia faaofi upu “po o poloaiga a le faamasinoga” i le tuanai ai o upu “tusi faapoloaiga” ina ia faitauina ai le fuaiupu 71 e faapea:

71. Tulaga faaletonu i le faatinoga o tusi faapoloaiga po o poloaiga a le faamasinoga-(1) E leai se tagata ofisa o le Faamasinoga i le faataunuuna o so o se tusi faapoloaiga po o se poloaiga a le faamasinoga, ma e leai foi se tagata o ia lea ua ala ai ona faataunuuna sea tusi faapoloaiga po o se poloaiga a le faamasinoga e ao ona faatatauina e faapea, ua ia solia ona o se mafuaaga o so o se faaletonu po o se tulaga le aloaia e faasino i so o se itu ua taua:

(a) i so o se taualumaga e uiga i le tulaga aloaia lea o lo o faalagolago i ai le tusi faapoloaiga po o le poloaiga a le faamasinoga; po o

(b) le faatulagaga o le tusi faapoloaiga po o le poloaiga a le faamasinoga po o, i le auala na faataunuuna ai.”

Faamaonia le Teuteuga.

Faamaonia le Fuaiupu 71 e pei ona Teuteuina.

FUAIUPU 72: Tagi e faia faasaga i tagata ao sala o lo o galulue i lalo o tusi faapoloaiga.

FOFOGA FETALAI: O lo o i ai le Teuteuga a le Komiti i le fuaiupu 72 e pei ona faaalua i le Pepa Faaopoopo o Galuega.

Tulai mai lau Afioga i le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le Fuaiupu 72 e faapea:

“TEUTEUGA:

Ina ia faaofi upu “po o poloaiga a le faamasinoga” i le tuanai o upu “tusi faapoloaiga” ina ia faitauina ai le fuaiupu 72 e faapea:

72. Tagi e faia faasaga i tagata ao sala o lo o galulue i lalo o tusi faapoloaiga po o poloaiga a le faamasinoga-

(1) E le tatau ona amatalia se talosaga e faia faasaga i se tagata ao sala mo so o se mea ua faia e tusa ai ma se tusi faapoloaiga po o se poloaiga a le faamasinoga ua tuuina atu i lalo o lenei Tulafono, vagana ai ua faaaogaina se tasi po o tulaga uma nei e lua:

(a) o se poloaiga tusitusia faamalosi mo le suesuega o le tusi faapoloaiga po o poloaiga a le faamasinoga ma, mo sona ata e sainia e le tagata o lo o ia faia le manaoga, ua faia po o ua tuuina atu i le ofisa o le Faamsainoga e le itu faamasinoga ua faamoemoe e faia le talosaga, po o le loia faufautua po o le sooupu a lea tagata;

(b) ua teena po o ua faatalale le tagata ao sala e usitaia le poloaiga faamalosi i totonu o le ono (6) aso ina ua maea ona faia.

(2) Afai ua amatalia se tagi faasaga i se tagata ao sala o lo o faataunuina le poloaiga faamalosi i se mataupu pe afai o sea manaoga na faia ae le i usitaia, e ao ona tuuina atu le faaiuga mo le tagata ao sala o lo o faataunuina le tusi faapoloaiga po o poloaiga a le faamasinoga po o ua faamaonia i le suesuega o le mataupu, e ui lava i so o se faaletonu o le puleaga faa-faamasinoga po o isi tulaga faaletonu i le tusi faapoloaiga po o le faasilasilaga faaletulafono.

(3) E ui lava i le faafuaiupu (2), e mafai e le tagata ofisa o ia lea na ia tuuina atu le tusi faapoloaiga po o le poloaiga a le faamasinoga, ona soofaatasi e avea ma tagata tetee i le talosaga, ma afai ua faapea ona soofaatasi ma le tagata ofisa ma ua tuuina atu le faaiuga faasaga ia te ia, o totogi o le faamasinoga e toe faaola mai e le itu tagi e ao ona aofia ai ia totogi o le faamasinoga e pei ona noatia ai le itu tagi e totogi atu i le tagata ao sala.”

Faamaonia le Teuteuga.

Faamaonia le Fuaiupu 72 e pei ona Teuteuina.

FUAIUPU 73: O le tuuina atu o tusi faapoloaiga o faamaoniga atoatoa ia o le pule faataga a le Faamasinoga.

FOFOGA FETALAI: O lo o i ai le Teuteuga a le Komiti i le Fuaiupu 73 e pei ona faaalua i le Pepa Faaopoopo o Galuega.

Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le Fuaiupu 73 e faapea:

“TEUTEUGA:

Fuaiupu 73

Ina ia faaofi upu “po o poloaiga a le faamasinoga” i le tuanai ai o upu “tusi faapoloaiga” ma faitauina ai le fuaiupu 73 e faapea:

73. O le tuuina atu o tusi faapoloaiga po o poloaiga a le faamasinoga o faamaoniga atoatoa ia o le pule faataga a le Faamasinoga– I so o se tagi e faia faasaga i se tagata mo so o se mea ua faia i lalo o lenei Tulafono, o le tuuina atu o le tusi faapoloaiga po o le poloaiga a le faamasinoga e o atu lava i le taimi e tuuina atu ai le tusi faapoloaiga po o le poloaiga a le faamasinoga.”

Faamaonia le Teuteuga.

Faamaonia le Fuaiupu 73 e pei ona Teuteuina.

FUAIUPU 74: Nofoga o taualumaga.

Faamaonia.

FUAIUPU 75: Taimi o taualumaga.

Faamaonia.

FUAIUPU 76: Taualumaga e tolopoina.

Faamaonia.

FUAIUPU 77: Tupe totogi ma le toe faaolaina mai o totogifuapauina i taualumaga tau le va o tagata.

Faamaonia.

FUAIUPU 78: E totogi totogifuapauina i Teugatupe a le Malo.

FOFOGA FETALAI: O lo o i ai le Teuteuga a le Komiti i le fuaiupu 78 e pei ona faaalua i le Pepa Faaopoopo o Galuega.

Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 78 e faapea:

“TEUTEUGA:

Fuaiupu 78(2)

Ina ia faaofi upu “po o poloaiga a le faamasinoga” i le tuanai ai o upu “tusi faapoloaiga” ina ia faitauina ai le (2) e faapea:

“(2) O totogifuapauina e faasino i le tausia o meatotino, po o mo le teuina, aveeseina po o le faatauina atu o oloa ua faoa faamalosi i lalo o se tusi faapoloaiga po o se poloaiga a le faamasinoga, e ao ona totogiina atu i le tagata ao sala po o i le tagata ua fitoitonu ma le faataunuuina o le tusi faapoloaiga po o le poloaiga a le faamasinoga, ma e ao ona tuuina atu loa i le Resitara mo le totogiina atu i le tagata ua agavaa i sea aofaiga o tupe.”

Faamaonia le Teuteuga.

Faamaonia le Fuaiupu 78 e pei ona Teuteuina.

FUAIUPU 79: Tupe totogi ma le toe maua mai o totogifuapauina o taualumaga faasolitulafono.

Faamaonia.

FUAIUPU 80: E totogi muamua tupe i le Resitara.

Faamaonia

FUAIUPU 81: O tusi samania ma isi pepa aloaia e i lalo o le Faamaufaaailoga.

Faamaonia.

FUAIUPU 82: Faamaoniga o le faaooina atu o pepa aloaia.

Faamaonia.

FUAIUPU 83: Gagana o lo o faaogaina i totonu o pepa aloaia a le faamasinoga.

Faamaonia.

FUAIUPU 84: Tagi ua faia i pepa faamaonia faaletulafono ua leiloloa.

Faamaonia.

FUAIUPU 85: E leai ni tulaga aloaia mo loa o le faamasinoga po o loa faufautua.

Faamaonia.

FUAIUPU 86: E ao ona fesoasoani leoleo i le Faamasinoga.

Faamaonia.

FUAIUPU 87: Tulafono Faafae o le Faamasinoga Faaitumalo.

Faamaonia.

FUAIUPU 88: Tulafono Faatonutonu.

Faamaonia.

FUAIUPU 89: Aiaiga tau soloaiga ma aiaiga faasaoina.

Faamaonia.

FUAIUPU 90: Faaaogāina o lenei Tulafono i isi tulafono.

Faamaonia.

FUAIUPU 1 M A LE IGOA:

FUAIUPU 1: Igoa puupuu ma le amataga.

IGOA: Tulafono o Faamasinoga Faaitumalo 2015.

Faamaonia.

Na faagasolo le Tulafono Tau Faaofi o Teuteuga o le Tulafono o Faamasinoga Faaitumalo 2015 faatasi ma Teuteuga.

**TULAFONO TAU FAAOFI O TAUALUMAGA TAU
SOLITULAFONO 2015 - iloiloga auiliili**

FOFOGA FETALAI: E tusa ai ma le Tulafono Tumau 106, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai le Afioga i le Taitaifono o le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa.

Tofa TUISA TASI PATEA: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai,- Ina ia faagasolo le Tulafono Tau Faaofi o Taulumaga tau Solitulafono 2015 faatasi ma Teuteuga.*

Faaluaina e le sui usufono mo Palauli, se tasi o sui usufono mo Vaimauga Sisifo, Tofa Lenatai Victor Faafoi Tamapua, sui usufono mo Falelatai ma Samatau, sui usufono mo Gagaifomauga Nu 2.

Na faamaonia le lafo.

FOFOGA FETALAI: E faasilasila atu ua faamaonia nei e le Fono Aoao le Lipoti a le Komiti o Mataupu tau Faamasinoga, Leoleo & Falepuipui i le Tulafono Tau Faaofi o Taulumaga tau Solitulafono 2015.

O le a sagai atu le Fono Aoao i le Iloiloga Auiliili o le Tulafono Tau Faaofi o Taulumaga tau Solitulafono 2015.

E tusa ai ma le Tulafono Tumau 102, e amata le Iloiloga Auiliili o le Tulafono Tau Faaofi i le Fuaiupu 2.

FUAIUPU 2: Faamatalaina o uiga o upu.

Faamaonia.

FUAIUPU 3: Faaaogaina.

Faamaonia.

FUAIUPU 4: Puleaga faa-faamasinoga tau solitulafono a le Faamasinoga Sili.

Faamaonia.

FUAIUPU 5: Malosiaga e faaliliuina atu ai tualumaga.

FOFOGA FETALAI: O lo o i ai le Teuteuga a le Komiti i le fuaiupu 5 e pei ona faaalai i le Pepa Faaopoopo o Galuega.

Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 5 e faapea:

“TEUTEUGA:

i) Fuaiupu 5(2)

Ina ia aveesea upu “lima (5) tausaga” ma suia i upu “fitu (7) tausaga” ina ia faitauina ai le (2) e faapea:

(2) Afai o le tagata ua faamaonia sona moliaga i se soligatulafono po o ni soligatulafono i so o se tualumaga na faaliliuina atu i lalo o lenei fuaiupu, o le Faamasino na tauaveina le faamasinoga, i se tuusaunoaga i le faafuaiupu (1)(b), e mafai ona ia faasalaina le tagata tetee i le nofosala i le falepuipui mo se vaitaimi e sili atu i lo le lua (2) tausaga, peitai e le mafai ona faasalaina le tagata tetee e sili atu i lo le fitu (7) tausaga i le falepuipui.

i) Fuaiupu 5

Ina ia faaofi le fuaiupu 5A fou e faapea:

“5A Malosiaga e faasee atu ai taualumaga i le Faamasinoga Faaaitumalo mo polokalame o le toefuataiga- (1) E avea ai ma tuusaunoaga i le fuaiupu 4, e mafai e se Faamasino o le Faamasinoga Sili i le maea ai ona ia fofogaina le faafoe moliaga ma le tagata ua tetee, ona ia faatonuina e faapea, o le a faasee atu le faasalaga po o nisi itu e faailoa ai le faaiuga lea na tataua ona faia i le Faamasinoga Sili, i le Faamasinoga Faaaitumalo pe afai:

(a) O le tagata tetee-

(i) Ua ia tautino lona tausalaina; ma

(ii) E ono talafeagai ma se polokalame o le toefuataiga i le Faamasinoga Faaaitumalo; ma

(b) Ua faamalieina le Faamasino o le Faamasinoga Sili e faapea, e ui lava i le maualuga o le faasalaga mo le soligatulafono, o le faasalaga o le a faaeeina atu, i le amanaia ai o itu lelei o le faamaeaina ai o le polokalame o le toefuataiga, o se faasalaga e tuli i nuu ma afioaga.

(2) Afai o le tagata tetee:

(a) ua maea lelei ona ia auai i le polokalame o le toefuataiga, e mafai e le Faamasino o le Faamasinoga Faaaitumalo ona faasalaina o ia e tusa ai ma lona malosiaga e faia ai faasalaga; po o

(b) le lē mafai ona faamaeaina o le polokalame o le toefuataiga, e ao i le Faamasino o le Faamasinoga Faaaitumalo ona toe faasee atu le mataupu i le Faamasinoga Sili mo le faasalaga.

(3) E mafai e le Faamasino Sili ona faia Faaiuga mo le tuuina atu o taiala ma taualumaga mo polokalame o le toefuataiga.

(4) I totonu o leni fuaiupu, “polokalame o le toefuataiga” o lona uiga o le polokalame toefuataiga e mataitu e le faamasinoga, tauaveina e le Faamasinoga Faaaitumalo mo se tagata tetee ina ia tusa ai ma leni fuaiupu.”

Faamaonia le Teuteuga.

Faamaonia le Fuaiupu 5 e pei ona Teuteuina.

FUAIUPU 6: Faamasinoga e auai po o le lē auai o faatonu.

Faamaonia.

FUAIUPU 7: Faamasinoga e lē auai ai Faatonu mo mataupu lavelave tau faasese.

Faamaonia.

FUAIUPU 8: Faaliliuina atu o se tagi mai le Faamasinoga Faaitumalo.

Faamaonia.

FUAIUPU 9: Faamasinoga ia fofogaina i Faamasinoga Faaitumalo.

Faamaonia.

FUAIUPU 10: Puleaga faa-faamasinoga tau solitulafono a Faamasino Fesoasoani.

Faamaonia.

FUAIUPU 11: Puleaga faa-faamasinoga tau solitulafono a le Faamasinoga mo Tupulaga Talavou.

Faamaonia.

FUAIUPU 12: E mafai e se Faamasinoga mo Tupulaga Talavou ona faaliliuina atu o taualumaga.

FOFOGA FETALAI: O lo o i ai le Teuteuga a le Komiti i le fuaiupu 12 e pei ona faaalii i le Pepa Faaopoopo o Galuega.
Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 12(1)(a) e faapea:

“TEUTEUGA:

Ia soloia le faaupuga “(5) tausaga” ma suia i upu “fitu (7) tausaga” ma faitauina ai le parakalafa (a) e faapea:

(a) le Faamasinoga Sili, pe afai o le soligatulafono ua molia ai e mafai ona faasalaina i le nofosala i le falepuipui mo le sili atu i lo le fitu (7) tausaga; po o.”

Faamaonia le Teuteuga.

Faamaonia le Fuaiupu 12 e pei ona Teuteuina.

FUAIUPU 13: E amatalia taualumaga i le faauluina o tagi.

Faamaonia.

FUAIUPU 14: Tagata ua pueina faapagota e aunoa ma se tusi faapoloaiga.

Faamaonia.

FUAIUPU 15: Tuuina atu o tusi samania.

Faamaonia.

FUAIUPU 16: Taimi ma nofoaga mo le faauluina o se tagi.

Faamaonia.

FUAIUPU 17: Taulumaga tau solitulafono i le Faamasinoga Sili.

Faamaonia.

FUAIUPU 18: Pepa Faatumu ma mataupu e aofia ai i se tagi.

Faamaonia.

FUAIUPU 19: Pepa aloaia o moliaga.

Faamaonia.

FUAIUPU 20: Ia na o le tasi lava le soligatulafono e molia ai i se tagi.

Faamaonia.

FUAIUPU 21: Ia fofogaina faatasi ni tagi se lua po o le sili atu.

Faamaonia.

FUAIUPU 22: E mafai ona suia se moliaga.

Faamaonia.

FUAIUPU 23: E mafai ona faamasinoina faatasi ni tagata tetee se toalua po o le sili atu.

Faamaonia.

FUAIUPU 24: Ia aofia ai i le tagi ni faamatalaga auiliili e lava atoatoa.

Faamaonia.

FUAIUPU 25: Talosaga mo nisi faamatalaga auiliili.

Faamaonia.

FUAIUPU 26: E mafai e so o se tagata ona faauluina se tagi.

Faamaonia.

FUAIUPU 27: Tualumaga o se tagi e manaomia ai se maliega.

Faamaonia.

FUAIUPU 28: Ia le taofia le faaleaogaina o se tagi, ona o le le atoatoa o le tulaga tino mai.

Faamaonia.

FUAIUPU 29: Pueina faapagota e aunoa ma se tusi faapoloaiga.

Tofa Lealailepule Rimoni Aiafi: Lau Afioga i le Fofoga Fetalai.....

FOFOGA FETALAI: O le a le Fuaiupu?

Tofa LEALAILEPULE RIMONI AIAFI: Fuaiupu 29 – i le mea lea e faapea mai ai e mafai e so o se tagatanuu ona taofia pe pueina faapagota so o se tagata lava solitulafono, a o le tagata ua solia le tulafono foi lea tusa o le sala e 3 tausaga po o le sili atu. O le fesili la lau Afioga, e faapefea ona iloa e le tagata lea ua taofia le isi tagata, o le solitulafono lea e fai i le tagata lea e 3 tausaga pe sili atu? Lona uiga a ou alu atu loa ae fesili mai se tagata, faapea, aua e te pueina au leaga na o le lua tausaga ma lalo ifo lou faasalaga. Oi e leai la, e faasa ona e taofia au. Na pau lava le mea e tatau ona faapea mai; so o se tagata solitulafono o i ai le aia a so o se tagata e mafai ona taofi mai se i o atu leoleo mo se fesoasoani. A o le mea lea ua fai mai i i, ua faataga faataga tagata e taofi, a o lea e fai mai, na o tagata la e solitulafono tolu tausaga pe sili atu. Lona uiga la ae e te le i tuua se tagata e ao ona e fesili i ai, e tolu tausaga pe sili atu lau solitulafono lea na fai se i taofi oe? Faamolemole lau Afioga e fia maua i ai se faamalamalamaga.

FOFOGA FETALAI: O le mea lena e faaoga ai le faautautaga tatau. A o le a tulai mai pea le Taitaifono.

Tofa TUISA TASI PATEA: Faafetai. Ia o le agaga foi lena e talitonu lava o le toatele o le paia o le atunuu, ua silafia lelei e le toatele faasalaga foi nei e sili atu ma le tolu tausaga. O lea e masani ona ou faalogo e faapea o le common sense, e iloa lelei lava. Na pau lava le mea ia malupuipua ma ia silafia lelei e le tagata e le o se ituaiga soligatulafono e ogaoga, a o se mea ina ia mafai ona malupuipua le tulaga lea ua oo i ai le soligatulafono lea. Ae ou te talitonu foi le sui usufono lea e masani lava ona maua i le mea lea e i lalo ifo, a o la e malamalama lelei le sui usufono i le uiga o le Tulafono. Faafetai.

Tofa LEALAILEPULE RIMONI AIAFI: Lau Afioga, e ese lava le molia ese le faasala. Pe tele lava moliaga ae leai se faalasaga, o la e lava e free le tamaloa. A o le mea lea ou te fai atu ai, o tagata foi nei ou te maua atu i le auala o la e fusu, la e faatupu vevesi. O le mea la lena e i ai le malosiaga o tatou e taofiofi ai. E tele mea ua ou involve ai i nei... a o le mea la lea ou te fai atu ai, ne i te i ua avea lota oso e fai le galuega ma mea e ono faasala ai ita lenei, ona o lea e faapea leoleo ua e faasala fua le tagata a o le tulafono lea na o le lua tausaga ma lalo ifo. O le mea lea ta te faanoanoa ai, ona o lea e sau i le Tulafono, ma sa tatau ona faapea, a ua ave le malosiaga i le tagata e fai ai se tulaga faapea e fesoasoani i leoleo ma... aua le faatapulaaina fua le faasalaga latou. O lou lea talitonuga.

Ma le faaloalo lava.

FOFOGA FETALAI: Na ona fesoasoani atu lava i le tatou mataupu. O lo o i ina le faautautaga a le tagata o lo o faatinoina le pueina o le tagata. E le faapea e te alu atu lava o la e filemu le pagota e alu atu lava pu'e. E faatino lau puipuga ma lau pueina ina ua alu le tausaga o sue pe solasola pe ua ia faia se Tulafono e le talafeauga ma ni galuega alofa e tatau ona e faia e pueina ai lea tagata.

FOFOGA FETALAI: Tulai mai le sui usufono mamalu mo Faleata Sasae.

Tofa AVEAU TUALA LEPALE NIKO PALAMO: O le Fuaiupu 29 faamolemole lau Afioga. Lau Afioga i le (2), o le a le uiga o le mea lea o se tagata faapitoa po o le private person? O se tagata foi lele so o se tagata civilian po o se tagata faapitoa e faia le galuega lea?

FOFOGA FETALAI: Se i tulai mai le Taitaifono.

Tofa TUISA TASI PATEA: E mafai ona toe fai mai lau fesili faamolemole.

Tofa AVEAU TUALA LEPALE NIKO PALAMO: O le (2) faamolemole, lea e faapapalagi mai ai le – a private person, a faa-Samoa, o se tagata faapitoa, a o lea e le o i ai se definition a le vaega lea i tua i i. O ai tonu lava le ituaiga tagata lea e faasino i ai le vaega lea o le Tulafono Tau Faaofi?

Tofa TUISA TASI PATEA: O le private person ou te talitonu o tagata uma foi nei e le o ni leoleo, a o tatou uma lava o private person. A faapea e te i luga o le auala ae e vaai atu i le mea faaletonu la e tupu mai, o le tiute lena o tatou, fai se fuafuaga e fofu ai le faafitauli, e leai ma se leoleo e ita ia oe. E

fiafia uma lava leoleo ia oe aua o lea ua e fesoasoani i le latou galuega. O le upu foi i le tolu tausaga, ou te talitonu e avatu loa lava i le Ofisa o Leoleo faapea loa leoleo, ia, faafetai, e ova atu ma le tolu tausaga, ae faafetai i lou lagolago ma ii le matou galuega, a o le galuega faitele a tatou. A tatou vaai atu o i ai faaletonu, tatou puipui. Faafetai.

Faamaonia le Fuaiupu 29.

FUAIUPU 30: Malosiaga e ulufale ai i nofoaga ma fale e aunoa ma se tusi faapoloaiga e pueina ai faapagota se tagata solitulafono po o le taofia o se soligatulafono.

Faamaonia.

FUAIUPU 31: Tuuina atu ma le toe faai i tua o se tusi faapoloaiga e pueina ai faapagota se tagata tetee.

Faamaonia.

FUAIUPU 32: Tiute o tagata e pueina faapagota se isi tagata.

Faamaonia.

FUAIUPU 33: Tusi faapoloaiga e sueina ma taofia faamalosi ai.

Faamaonia.

FUAIUPU 34: Tusi faapoloaiga mo vaegamea faataitai mo suesuega faapitoa.

Faamaonia.

FUAIUPU 35: Lafoaia o mea ua faoa faamalosi.

Faamaonia.

FUAIUPU 36: Puipuiga mai noataga.

Tofa AVEAU TUALA LEPALE NIKO PALAMO: Lau Afioga i le Fofoga Fetalai, o le Fuaiupu 36 faamolemole. O le mea tonu lea na ou fesili ai i le vaega lea o le private person i le vaega lea o lea e i ai le puipuiga o tagata nei, tagata foi nei pei o tatou e le leoleo e alu pue se isi. O lea la e i ai le puipuiga i lalo i i le vaega lea e leai se warrant foi lea e fai ai, lea la e sau i i e le o sau faa-private person, o la e sau a person po o se tagata. I lalo o le vaega lona tolu o le fuaiupu lava lea e 36 o lea e faapea mai ai, e faaaoga i se faaaogaina so o se malosi e pei ona talafeagai ai ina ia foia ai so o se malosi e faaaogaina e tetee atu ai. A o lea e sau i le isi fuaiupu lea e sosoo ai, ne i te i ua maliu ai le tagata i le malosi lea e faaaoga, ae pei e fai lava sina malosi tele o le power lea ua ave i lalo o le vaega lea, e puipui ai le tagata lea e mafai ona fai i ai le leoleo, e leai se taai, sau e alu e tau pu'e mai le... A o lea e fai mai le vaega lea, e pule lava ia i le malosi e taofia ai pe a faapea e alu atu ae i ai se isi vaega e tupu mai. O lea foi o lo o sau ai i i, e pei e general le vaega lea. O le mea lea o le puipui faamalosi, e mafai ona faaaoga le maa, e mafai ona faaaoga le laau, po o le a se mea ina ia taumafai e maua ai le tagata lea, ae le maliu, e oo lava i le fuaiupu lea e fa.

O lau fesili la lea e fai atu, e pei ua fai sina malosi tele o le puipuiga lea e ave i le tagata lea e le o se leoleo e mafai ai ona faatino le pueina o se tagata, ae leai se warrant.

FOFOGA FETALAI: O lea ua maua le finagalo o le sui usufono. Se i tulai mai le Taitaifono.

Tofa TUISA TASI PATEA: Masalo a faitau i le vaega faapapalagi o le subsection (3) lena e aumai ai i lalo o lena e manino atu lava ona o le tatou gagana foi pei e faalelava i le faamatalaina auiliili o mea – “Unless the arrest surging execution could have been made by reasonable means in a less violent matter.” O lena foi ou te talitonu o lena e avatu ai le tofa ma le faautautaga tatau e faatino ai le galuega e fesoasoani ai i leoleo aua le malupuipua o le tatou atunuu ma tagata lautele.

Tofa AVEAU TUALA LEPALE NIKO PALAMO: Lau Afioga i le Fofoga Fetalai, i luga ae o le faaupuga lea e sau ai le Taitaifono, o lo o faapea ma ai, ‘applies to the use by the person of any force as maybe necessary to overcome any force use. O lea e sau ai i i le vaega lea pei ona ou taua atu, pei e sau ai le vaega lena e pei e tau puipua ai.

Ma le faaaloalo lava.

FOFOGA FETALAI: Ia, e manatu e le o se mea e tulai mai ai se faafinauga o lea e manino ma malamalama le vaelua o le Tulafono. E le gata ina faatino le Tulafono, a o le puipuiga e sili atu le ave o le puipuiga i le tagata lea e defense ina ia malupuipua, ae o lo o i ai foi le faautautaga e le faapea foi o le a tuutalaloa ona tulai mai lea e faia se tulaga e sili atu ma soli ai se isi Tulafono.

Se i tulai mai la le sui usufono o le Komiti.

Susuga PAPALII LIO FAAVAIVAIOMANU TAEU MASIPAU: Lau Afioga i le Fofoga Fetalai, talu ai ona o au o le sui usufono o le Komiti, e aoga foi le fesoasoani atu i le tatou mataupu lea. Afai o silasila atu le Maota e le o i ai ni suiga i le Komiti, o lona uiga, o la e faaauau le tatou Tulafono Tau Faaofi tuai. O lo o i ai i totonu o le tatou Tulafono tuai tatou Tulafono uma lava nei ae vagana nai suiga ia na sui nei e le Komiti ma Tulafono fou, a o le tele o tatou Tulafono o Tulafono tuai o lo o i ai i le taimi nei. Ma lou faaloalo.

FOFOGA FETALAI: Malo faafetai. Ia o lena la ua manino. O lo o puipuia pea nisi o aiaiga e le o aafia i Tulafono fou nei, e faaauauina ai Tulafono e malupuipuia ai le atunuu.

Faamaonia le Fuaiupu 36.

FUAIUPU 37: Tuuina atu o tusi samania.

Faamaonia.

FUAIUPU 38: Faaooina atu o pepa aloaia i le tagata tetee.

Faamaonia.

FUAIUPU 39: Faaooina atu o pepa aloaia i mataupu faapitoa.

Faamaonia.

FUAIUPU 40: Gagana o pepa aloaia.

Faamaonia.

FUAIUPU 41: Tagata e mafai ona faaooina atu o pepa aloaia.

Faamaonia.

FUAIUPU 42: Faamaoniga o le faaooina atu o pepa aloaia.

Faamaonia.

FUAIUPU 43: Faamatalaga molimau a se tagata ua faamoemoe e tuua Samoa.

Faamaonia.

FUAIUPU 44: Faamatalaga molimau a se tagata o lo o ma'i tigaina.

Faamaonia.

FUAIUPU 45: Faia o faamatalaga molimau a se tagata molimau i fafo atu o le faamasinoga.

Faamaonia.

FUAIUPU 46: O le tiute o faafoe moliaga le faailoa atu o faamatalaga.

Faamaonia.

FUAIUPU 47: Tolopoina o faamasinoga mo ni tagata molimau.

Faamaonia.

FUAIUPU 48: E mafai e le faafoe moliaga ona teena le faailoaina atu o faamatalaga.

Faamaonia.

FUAIUPU 49: O le faamasinoga e faia faaiuga o mataupu tau le faailoaina atu.

Faamaonia.

FUAIUPU 50: Faasilasilaga o se puipuiga o se tagata.

Faamaonia.

FUAIUPU 51: Faasilasilaga o faamatalaga molimau a tagata tomai faapitoa.

Faamaonia.

FUAIUPU 52: Nofoga o le faamasinoga.

Faamaonia.

FUAIUPU 53: Faaliliuina atu o faamasinoga i le va o Faamasinoga Faaitumalo ma le Faamasinoga Sili.

Faamaonia.

FUAIUPU 54: Tatalaina i tua o se tagi ua i ai faatasi ma le faatagaga.

Faamaonia.

FUAIUPU 55: Teuteuga o moliaga.

Faamaonia.

FUAIUPU 56: E mafai e le Faamasinoga ona faasaina lomiga faasalalau.

Faamaonia.

FUAIUPU 57: O se soligatulafono le solia o le poloaiga e tuueseina ai.

Faamaonia.

FUAIUPU 58: O tagata e mafai ona faafoeina tualumaga.

Faamaonia.

FUAIUPU 59: Faafoega o taualumaga i totonu o le Faamasinoga Sili.

Faamaonia.

FUAIUPU 60: O le auai ma le puipugamalu o le tagata tetee a o faagasolo le faamasinoga.

Faamaonia.

FUAIUPU 61: Malosiaga o le Faamasinoga pe afai ua le oo mai le ua tetee.

Faamaonia.

FUAIUPU 62: Malosiaga o le Faamasinoga pe afai e le oo mai le faafoe moliaga.

Faamaonia.

FUAIUPU 63: Malosiaga o le Faamasinoga pe afai e le oo mai so o se tasi o vaega auai.

Faamaonia.

FUAIUPU 64: Faaleaogaina o se tagi e le taofia ai se taualumaga.

Faamaonia.

FUAIUPU 65: Tautinoga aloaia o le nofosala i le faasilasilaga i le Resitara.

Faamaonia.

FUAIUPU 66: Tautinoga aloaia ina ua molia.

Faamaonia.

FUAIUPU 67: Tautinoga aloaia e aveva ma sui o se faalapotopotoga.

Faamaonia.

FUAIUPU 68: Tautinoga aloaia faapitoa.

Faamaonia.

FUAIUPU 69: Faamatalaga molimau o se faamasinoga muamua.

Faamaonia.

FUAIUPU 70: Tautinoga aloaia e uiga i le tuusaolotoina talu ai ma le faamaonia o le nofosala.

Faamaonia.

FUAIUPU 71: Tuuaiga lona lua.

Faamaonia.

FUAIUPU 72: Talosaga ina ia faaleaogaina se tautinoga aloaia o le nofosala.

Faamaonia.

FUAIUPU 73: Faamatalaina o uiga o upu.

Faamaonia.

FUAIUPU 74: E mafai ona faia sailiiliga o le tulaga o le le atoatoa o le malosi e tulai ai i le faamasinoga.

Faamaonia.

FUAIUPU 75: Tolopoina o suesuega faa-faamasinoga, ma isi tulaga faapena.

Faamaonia.

FUAIUPU 76: Fuafuaina pe ua talafeagai ona tulai i luma o le faamasinoga le ua tetee.

Faamaonia.

FUAIUPU 77: Talosaga tetee i le Faamasinoga Sili.

Faamaonia.

FUAIUPU 78: Taofia o tagata tetee ua maua e le talafeagai ona faia ni tautinoga aloaia, ma isi tulaga faapena.

Faamaonia.

FUAIUPU 79: Saililiga o le ma'i valea.

Faamaonia.

FUAIUPU 80: Talosaga tetee e faasaga i le faasaolotoina i tulaga o le ma'i valea.

Faamaonia.

FUAIUPU 81: Tusi samania mo le auai o tagata molimau.

Faamaonia.

FUAIUPU 82: Tusi faapoloaiga e pueina faapagota ai se tagata molimau.

Faamaonia.

FUAIUPU 83: Faasalaga mo le le usitaia o tusi samania o tagata molimau.

Faamaonia.

FUAIUPU 84: E mafai ona faafalepuipei se tagata molimau e musu e tuuina mai faamatalaga molimau.

Faamaonia.

FUAIUPU 85: E mafai ona tuueseina tagata molimau.

Faamaonia.

FUAIUPU 86: Mea ua tautinoia.

Faamaonia.

FUAIUPU 87: Faamatalaga molimau.

Faamaonia.

FUAIUPU 88: Tagata tetee e le o i ai sona sui.

Faamaonia.

FUAIUPU 89: Ia faia faamatalaga molimau i luga o se tautoga po o se faamaoniga aloaia.

Faamaonia.

FUAIUPU 90: Faamaonia o se taumafaiga ina ua molia i se solitulafono.

Faamaonia.

FUAIUPU 91: Faamaonia se solitulafono ina ua molia i se taumafaiga.

Faamaonia.

FUAIUPU 92: Vaega o le moliaga ua faamaonia.

Faamaonia.

FUAIUPU 93: Eseesega ma teuteuga.

Faamaonia.

FUAIUPU 94: Malosiaga e tolopo ai se faamasinoga.

Faamaonia.

FUAIUPU 95: Malosiaga o le tolopoina.

Faamaonia.

FUAIUPU 96: Malosiaga e tolopo ai mo ni suesuega ina ua uma ona faamaonia le nofosala.

Faamaonia.

FUAIUPU 97: Aveeseina o se faamasinoga ona o se fesili tau le tulafono.

Faamaonia.

FUAIUPU 98: O tulafono faafoe e faasino i le faatagaina o le tatalaina i tua.

Faamaonia.

FUAIUPU 99: O mea moni talafeagai i se faaiuga e faasino i le tatalaina i tua i luga o puipuiga.

Faamaonia.

FUAIUPU 100: Tulaga faasaina o le tatalaina i tua i luga o puipuiga.

Faamaonia.

FUAIUPU 101: Tulaga faasaina o le tatalaina i tua ona o nisi moliaga ua faamaonia talu ai.

Faamaonia.

FUAIUPU 102: Na o le poloaiga e ono mafai ai ona faatagaina le tatalaina i tua i luga o puipuiga, mo se solitulafono tau nakoti.

Faamaonia.

FUAIUPU 103: Tatalaina i tua i luga o puipuiga a o talia le faasalaga.

Faamaonia.

FUAIUPU 104: E mafai e le ua tetee ona talosagaina le tatalaina i tua i luga o puipuiga.

Faamaonia.

FUAIUPU 105: Faamatalaga molimau i taualumaga o le tatalaina i tua i luga o puipuiga.

Faamaonia.

FUAIUPU 106: Tuutuuga o le tatalaina i tua i luga o puipuiga.

Faamaonia.

FUAIUPU 107: Tapaina o puipuiga faa-feagaiga, faamalumaluga po o se tasi e ofoina mai se puipuiga.

Faamaonia.

FUAIUPU 108: Tusi faapoloaiga mo le taofia.

Faamaonia.

FUAIUPU 109: Tatalaina i tua o le ua tetee ua faatagaina i ai se puipugamalu e tatala ai i tua, a o tatali lona faamasinoina.

Faamaonia.

FUAIUPU 110: Tusi faapoloaiga o le faasaolotoina.

Faamaonia.

FUAIUPU 111: Fesuaiga o tuutuuga o le tatalaina i tua i luga o puipuiga.

FOFOGA FETALAI: O lo o i ai le Teuteuga a le Komiti i le fuaiupu 111 e pei ona faaalua i le Pepa Faaopoopo o Galuega.
Tulai mai le Taitaifono o le Komiti.

Tofa TUISA TASI PATEA: Lau Afioga i le Fofoga Fetalai ou te faatu le Teuteuga i le fuaiupu 111(2)(b)(ii) e faapea:

“TEUTEUGA:

Ia soloia le faaupuga “lima (5) tausaga” ma suia i upu “fitu (7) tausaga” ma faitauina ai le (ii) e faapea:

(ii) e ono faasalaina e ala i le nofosala i le falepuipui mo se vaiiami e le sili atu i lo le fitu (7) tausaga.

Faamaonia le Teuteuga.

Faamaonia le Fuaiupu 111 e pei ona Teuteuina.

FUAIUPU 112: E mafai ona pueina faapagota e aunoa ma se tusi faapoloaiga i nisi tulaga e aliae mai le ua tetee o lo o tatalaina i tua i luga o puipuiga.

Faamaonia.

FUAIUPU 113: Tusi faapoloaiga e pueina faapagota ai le ua tetee ua sola faalilolilo po o ua solia tuutuuga o le tatalaina i tua i luga o puipuiga po o ua le mafai ona tali atu i tulaga o le tatalaina i tua.

Faamaonia.

FUAIUPU 114: O le le mafai ona tali atu i tulaga o le tatalaina i tua i luga o puipuiga.

FOFOGA FETALAI: O le a le fuaiupu le sui usufono mo Faleata Sisifo?

Tofa LEALAILEPULE RIMONI AIAFI: O fuaiupu uma lava ia na lau nei e lau Afioga, ae avatu ia na o le Fuaiupu 114. O le uiga o le fesili lau Afioga, ona o Tulafono nei pei ona saunoa sui usufono o le Komiti, o Tulafono tuai na i ai. A o le mea lea e pei e maitau atu ua tele ina sue atu isi tagata ua tele ina o i fafo, ua le toe maua i totonu o Samoa. Pe faapefea ona tulai mai lea mea, ae po o a la sailiiliga a le Taitaifono ma le mamalu o le Komiti i ni auala e ono taofiofia ai mea nei. Ma le faaaloalo lava lau Afioga.

FOFOGA FETALAI: Malo. Mr Chairman.

Tofa TUISA TASI PATEA: Ia, faafetai mo le faafesili. E ese le taua o le fesili, aua ou te talitonu i tulaga faapenei, ou te talitonu o lo o i ai le Tulafono Faatonutonu a Matagaluega e faatino ai tulaga ia, ae leai foi se system e perfect, e i ai lava foi tulaga faapena e ono oo i ai ona o loopholes i totonu o systems, ae o lo o mataitu e le Matagaluega tulaga ia, e le mafai ona... atonu e aoga foi mea tutupu e tulimatai ai fuafuaga ina ia faaleleia atili, ina ia aua ne i toe tulai mai tulaga ia e pei ona faaali e le sui usufono lea.

Faamaonia le Fuaiupu 114.

FUAIUPU 115: Tatalaina i tua i luga o puipuiga a o talia se talosaga.

Faamaonia.

FUAIUPU 116: Talosaga mai faaiuga a Faamasinoga Faaitumalo e faasino i le tatalaina i tua i luga o puipuiga.

Faamaonia.

FUAIUPU 117: Faatinoina o faaiuga a le Faamasinoga Sili i le tatalaina i tua i luga o puipuiga.

Faamaonia.

FUAIUPU 118: Fofogaina ma le faatagaina atu o se puipuigamalu i le na talosaga ma le nofo puipua a o talia le talosaga.

Faamaonia.

FUAIUPU 119: Tusi faapoloaiga e pueina ai se tagata ua talosaga o ia lea ua sola ese po o ua agai ina sola ese faalilolilo a o lo o i ai i se tulaga puipua.

Faamaonia.

FUAIUPU 120: O le gauai mai o le na talosaga na tatala i tua i luga o se puipuigamalu ma le tuusaolotoina o le sa noatia ai e avea ma puipuigamalu.

Faamaonia.

FUAIUPU 121: Talosaga e afua i faaiuga a le Faamasino e faasino i le tatalaina i tua i luga o puipuiga.

Faamaonia.

FUAIUPU 122: Aiaiga o taualumaga e faasino i talosaga i mataupu tau le tatalaina i tua i luga o puipuiga.

Faamaonia.

FUAIUPU 123: Faaiuga o le Faamasinoga o Talosaga.

Faamaonia.

FUAIUPU 124: Tutoatasi o le faafoe moliaga.

Faamaonia.

FUAIUPU 125: Faasilasilaga a le ua tetee ina ia faamasinoina e le Faamasino na o ia lava.

Faamaonia.

FUAIUPU 126: Talosaga a le Faafoe Moliaga mo le suesueina e le Faamasino na o ia lava.

Faamaonia.

FUAIUPU 127: O agavaa.

Tofa LEALAI PULE RIMONI AIAFI: Lau Afioga i le Fofoga Fetalai, o le Fuaiupu 127 – o agavaa o vaega ia o Faatonu po o Assessors. O lea sa i ai lou manatu, pe i ai ni nai aoaoga foi ia po o ni nai certificate a nai tagata nei pe o le a se faiga e fai ai, aua o lea e atagia mai, na pau lava le mea ia i totonu o tausaga lea o le 25 tausaga agai le 68 ma ia lelei lona record foi lea. Pe i ai la ni aiaiga foi nei po o ni minimum qualifications ina ia i ai sona malamalama laitiiti i mea tau tulafono, e faafaigofie ai foi ina ia fesoasoani i lea...

FOFOGA FETALAI: O lea ua maua lou finagalo. Tulai mai le Taitaifono.

Tofa TUISA TASI PATEA: E taua le faafesili, ae sa talanoaina ma le Matagaluega ma le Faauluuluga, o lo o agai i ai le tatou Matagaluega i le talanoaina o fuafuaga ia ina ia faaleleia atili lea foi auaunaga i totonu o le tatou Matagaluega o Faamasinoga.

Faamaonia le Fuaiupu 127.

FUAIUPU 128: Vaitaimi i le tofi.

Faamaonia.

FUAIUPU 129: Lisi o Faatonu.

Faamaonia.

FUAIUPU 130: Filifiliga ma le valaauina o faatonu.

Faamaonia.

FUAIUPU 131: O le le mafai e faatonu ona auai i le faamasinoga.

Faamaonia.

FUAIUPU 132: Ia logoina e le Resitara le faafoe moliaga ma le ua tetee.

Faamaonia.

FUAIUPU 133: Siligia o faatonu.

Tofa Lealailepule Rimoni Aiafi: Lau Afioga i le Fofoga Fetalai....

FOFOGA FETALAI: O le a le fuaiupu?

Tofa LEALAILEPULE RIMONI AIAFI: Fuaiupu 133. Faafetai lava. O lea ua ou malamalama lelei lava i le mea na ala ai ona le faia ni qualifications o mea nei o Assessors, aua e faigata foi ona ave i ai ni poto foi nei pei o ni tagata lautele a? Ia, a o le mea la lea e atagia soo i Faamasinoga, e le gata i Faamasino a o Assessors, e faapea e tau ia ai, tau ia ai. Ia e aiga uma lava tatou. Ae a tuu lava i le faamaoni o le tagata ia, e faia lava i le agaga faamaoni i lana tautoga. Aua o lona uiga, ai seiloga e aumai ni Faamasino ma ni Assessors mai Saina e faia tatou Faamasinoga pe afai o le faiga lea lau Afioga.

Ma le faaaloalo lava.

FOFOGA FETALAI: Ia, ou te taofi o lea ua e talitonu lava i le mea na luga ai ma lalo le taeao lenei, conflict of interest. O lea la ua e saunoa manino lava, e matua leai lava se sootaga o le mea lena i inei, aua e aiga lava tatou uma. Faafetai Leala, ua toe maua ou ai ua uma le aso.

Faamaonia le Fuaiupu 133.

FUAIUPU 134: Tautoga po o le faamaoniga aloaia.

Faamaonia.

FUAIUPU 135: O le tuueseina o faatonu.

Faamaonia.

FUAIUPU 136: Maliega o faatonu.

Faamaonia.

FUAIUPU 137: E ao ona tuufaatasi faatonu.

Faamaonia.

FUAIUPU 138: Faataatiaeseina o se fesili tau le tulafono a o lumanai ai se faaiuga o se tagi.

Faamaonia.

FUAIUPU 139: Talosaga pe afai ua teena e le Faamasino o le Faamasinoga Faaitumalo le faataatiaese o le mataupu.

Faamaonia.

FUAIUPU 140: Talosaga i luga o se mataupu tau le tulafono e na o se mataupu ua faaalua e ala atu ai.

Faamaonia.

FUAIUPU 141: E mafai e le Faamasino o le Faamasinoga Faaitumalo ona teena se mataupu pe afai e faatauva le talosaga.

Faamaonia.

FUAIUPU 142: O le faamaonia e faapea ua le tuliloaina faaletulafono o se mataupu na faaalua.

Faamaonia.

FUAIUPU 143: E mafai ona toe faafoi atu se mataupu ma se teuteuga.

Faamaonia.

FUAIUPU 144: Ia faia e le Faamasinoga Sili le faaiuga o ni fesili i luga o le mataupu na faaalua.

Faamaonia.

FUAIUPU 145: O lē ua tetee ua talosaga e ui mai i se mataupu ua faaalua e lē faatagaina e talosaga i se isi lava faiga e ese ai.

Faamaonia.

FUAIUPU 146: Aia tatau eseese a lē ua tetee e talosaga ai i le Faamasinoga Sili.

Faamaonia.

FUAIUPU 147: Aia tatau a le Loia Sili e talosaga ai i le Faamasinoga Sili.

Faamaonia.

FUAIUPU 148: Faasilasilaga o se talosaga.

Faamaonia.

FUAIUPU 149: Auina atu o pepa aloaia i le Faamasinoga Sili.

Faamaonia.

FUAIUPU 150: Ata o pepa aloaia e ao ona tuuina atu i le ua talosaga i luga o se talosaga.

Faamaonia.

Tofa Lealailepule Rimoni Aiafi: Lau Afioga i le Fofoga o le Fono.

FOFOGA FETALAI: O le a le vaega lea fia saunoa ai le sui usufono?

Tofa LEALAILEPULE RIMONI AIAFI: O le fuaiupu 147 faamolemole.

FOFOGA FETALAI: Saunoa mai le sui usufono mamalu.

Tofa LEALAILEPULE RIMONI AIAFI: O le vaega lea ona o lea ua faatuina le tatou lala fou foi o le Public Prosecution, pe ua talafeagai pea le vaega lea o le Tulafono i le faatinoina e le Loia Sili po o lea o le a faatinoina e le Matagaluega fou lea, ma le faaaloalo lava. O le fesili fiamalamalama.

FOFOGA FETALAI: Ia tuu atu le avanoa i lau Afioga i le Taitaifono.

Tofa TUISA TASI PATEA: O lena e aumai le Tulafono o lena e manino lava le Tulafono o le Attorney General lena e tau mai. Ia ae o lo o i ai foi fuafuaga o le Ofisa fou lena ae ou te talitonu o lena e manino lava le avatuina o le vaega lena o le Tulafono.

FUAIUPU 151: O le ua talosaga e faaoina atu pepa aloaia i le Resitara.

Faamaonia.

FUAIUPU 152: Faatulagaina o se talosaga mo le fofogaina.

Faamaonia.

FUAIUPU 153: Tualumaga i luga o talosaga.

Faamaonia.

FUAIUPU 154: O le Faamasinoga Sili e suesueina ma faia le faaiuga o se talosaga.

Faamaonia.

FUAIUPU 155: Malosiaga e faasaina ai le lipotia o tualumaga, ma isi mea faapena.

Faamaonia.

FUAIUPU 156: Malosiaga o le Faamasino e faasino i le faaopoopoina o le taimi.

Faamaonia.

FUAIUPU 157: Faamatalaga molimau fou i luga o se talosaga.

Faamaonia.

FUAIUPU 158: Tuuina atu o se tusi faapoloaiga a o tatali se talosaga.

Faamaonia.

FUAIUPU 159: O le faamauieseina o se talosaga.

Faamaonia.

FUAIUPU 160: Tuuina mai o se mataupu e se itu auai o lo o nofo puipuia.

Faamaonia.

FUAIUPU 161: Malosiaga o le Faamasinoga Sili e faatonuina ai le toe faia o se faamasinoga.

Faamaonia.

FUAIUPU 162: Teuteuga o le nofosala ua faamaonia i le tuuina atu o se tasi soligatulafono e sui ai se isi soligatulafono.

Faamaonia.

FUAIUPU 163: Faalēaogāina o se talosaga ona o le lē faia o laasaga e tuliloa ai faale-faamasinoga.

Faamaonia.

FUAIUPU 164: Ia faamaonia e le Resitara le faaiuga e uiga i se talosaga.

Faamaonia.

FUAIUPU 165: Faaiuga a le Faamasinoga Sili.

Faamaonia.

FUAIUPU 166: Faanofo puipuia o se tagata ina ua uma le faaiuga o se talosaga.

Faamaonia.

FUAIUPU 167: O le toe faaauauina ona faanofo vaavaaia ina ua maua le faaiuga o le talosaga.

Faamaonia.

FUAIUPU 168: E mafai ona poloaiina se itu faamasinoga ua na lē tuliloaina le talosaga na te totogiina totogi o le faamasinoga.

Faamaonia.

FUAIUPU 169: Faamamaluina o se poloaiga e faasino i totogi o le Faamasinoga.

Faamaonia.

FUAIUPU 170: E leai ni totogifuapauina a le Faamasinoga e tatau ona totogi i luga o se talosaga a se tagata na faasalaina i le nofosala i le falepuipui.

Faamaonia.

FUAIUPU 171: Faamatalaina o uiga o upu.

Faamaonia.

FUAIUPU 172: Aiatatau e talosaga ai i nisi o mataupu e tulai mai a o le i faia le faamasinoga.

Faamaonia.

FUAIUPU 173: O le faataatiaese o se fesili tau le tulafono.

Faamaonia.

FUAIUPU 174: Talosaga e uiga i le fesili tau le tulafono, fesili e lē o faataatiaeseina.

Faamaonia.

FUAIUPU 175: O le malosiaga o le Faamasinoga o Talosaga mo talosaga i luga o fesili tau le tulafono.

Faamaonia.

FUAIUPU 176: Aia tatau e talosaga ai faasaga i le faamaonia o le nofosala po o faasalaga.

Faamaonia.

FUAIUPU 177: O le aia tatau a le Loia Sili e talosaga ai, e faasaga i faasalaga po o le tuusaolotoina.

Faamaonia.

FUAIUPU 178: Talosaga e faasaga i faaiuga a le Faamasinoga Sili e uiga i talosaga mai Faamasinoga Faaitumalo.

Faamaonia.

FUAIUPU 179: Aia tatau e talosaga ai faasaga i se faasalaga po o se moliaga ua faamaonia faaetulafono mo le faalēmigao i le faamasinoga.

Faamaonia.

FUAIUPU 180: Faaiuga o talosaga i totonu o mataupu masani.

Faamaonia.

FUAIUPU 181: Malosiaga o le Faamasinoga o Talosaga i totonu o mataupu faapitoa.

Faamaonia.

FUAIUPU 182: Toe umia ma le toe faaolaina o meatotino i luga o moliaga ua faamaonia faaletulafono.

Faamaonia.

FUAIUPU 183: Malosiaga faaopoopo o le Faamasinoga o Talosaga.

Faamaonia.

FUAIUPU 184: Tiute tauave o le Resitara e tusa ai o faasilasilaga o le talosaga, ma isi faapena.

Faamaonia.

FUAIUPU 185: Faamatalaga molimau mo le Faamasinoga o Talosaga.

Faamaonia.

FUAIUPU 186: Aia tatau a lē na talosaga e ai ai sona sui.

Faamaonia.

FUAIUPU 187: Malosiaga e faasaina ai ona lipotia tualumaga ma isi tulaga faapena.

Faamaonia.

FUAIUPU 188: Tupe totogi o faamasinoga.

Faamaonia.

FUAIUPU 189: Tupe faaalu i tagata molimau.

Faamaonia.

FUAIUPU 190: O gaioioiga e lē tatau ona faia i le Aso Sa.

Faamaonia.

FUAIUPU 191: Ia lē fesiligia taualumaga ona o le lē atoatoa o le tulaga tino mai.

Faamaonia.

FUAIUPU 192: Maliega a le Loia Sili i taualumaga i nisi mataupu mo soligatulafono e faia i luga o vaa po o vaalele.

Faamaonia.

FUAIUPU 193: Ia lē faataatiaese se tau i tau le va o tagata.

Faamaonia.

FUAIUPU 194: O le faalēmigao i faamasinoga.

Faamaonia.

FUAIUPU 195: Agasala mamafa, amioga e lē tusa ma tatau ai ma le faiga tau le faamasinoina.

Faamaonia.

FUAIUPU 196: Taualumaga faasaga i itu faamasinoga i soligatulafono, fesoasoani faalilolilo ma tagata e taliaina.

Faamaonia.

FUAIUPU 197: Tuuina atu o pepa aloaia, ma isi mea faapena o lo o umia e le Matagaluega, ma isi.

Faamaonia.

FUAIUPU 198: Tulafono Faatonutonu.

Faamaonia.

FUAIUPU 199: Tulafono Faafoe o le Faamasinoga.

Faamaonia.

Tofa LEALAILEPULE RIMONI AIAFI: Lau Afioga o le fuaiupu e 199 faamolemole lau Afioga.

FOFOGA FETALAI: Saunoa mai le sui usufono.

Tofa LEALAILEPULE RIMONI AIAFI: O lea ua ou vaai atu o le a uma le Tulafono ae a tonu e talafeagai ai lau fesili lea ua leva ona fia fai lau Afioga. O le mea lea i le vaega lea i se mea foi lea e i ai se aiaiga i Faamasino ia latou faaiuga. E i ai isi faaiuga ua fia tausaga o faatalitali e le o mafai ona maua mai. Pe i ai se vaega o le Tulafono lea e ono i ai se aiaiga e faamalosia ai Faamasino mo a latou faaiuga fai, tuu i ai se taimi faatapulaa e ono tuuina mai ai a latou faaiuga ma le fiu o tagata e faatalitali ni a latou faaiuga, ia ma le faaaloalo lava.

Ae afai o i ai se isi Tulafono ia e le afaina.

FOFOGA FETALAI: Lau Afioga i le Taitaifono.

Tofa TUISA TASI PATEA: Na o fautuaga lelei a fautuaga a le sui usufono lea, ese le matagofie o le fautuaga. Na talanoaina foi ma le ulu o le Matagaluega ma le Matagaluega i le taimi na talanoaina ai lenei mataupu. Ia o lo o faagasolo a latou fuafuaga ou te talitonu foi o lea e faafofoga mai le Matagaluega aemaise foi Afioga i Faamasino aemaise le Faamasino Sili. Ia masalo o le a i ai se tulaga faapena.

Susuga Hon TUILAEPFA FATIALOFA AUELUA LUPESOLIAI NEIOTI AIONO SAILELE MALIELEGAOI: Lau Afioga i le Fofoga Fetalai o le mea sili lea ua tau tulituliloa e le sui usufono o Faleata i Sisifo le mataupu tonu a lea e taua tele ai le mataupu lea na laga analeila, ua tausaga o Faamasino ona e soosofaatasi a mea ia e lua. O le matua o le Faamasino ia ma faapena ai foi ona tuai a na faaiuga fai ia po o le leai a o se faaiuga e faia ae ua uma le Faamasinoga.

FOFOGA FETALAI: Ua lua au mea sa’o Lealailepule.

FUAIUPU 200: Soloia, teuteuga, soloaiga ma mea faasaoina.

Faamaonia.

FAAMATALAGA:

Faamaonia.

FUAIUPU 1 MA LE IGOA:

FUAIUPUI 1: Igoa puupuu ma le amataga.

IGOA: Tulafono o Tualumaga Tau Solitulafono 2015.

Faamaonia.

Na faagasolo le Tulafono Tau Faaofi o Tualumaga Tau Solitulafono 2015 faatasi ma Teuteuga.

TOLOPOINA

FOFOGA FETALAI: Ia ua ou manatu ua tatou taunuu tonu lava i tami faaiu o le tatou Fonotaga i lenei aso ma ua maea ai foi i i ma le tatou cue paper o le aso. Ia ona ou manatu lea ua fetai fola, togi pa tau i le ave o galuega sa tatou tauavamea mai le taeao ia ua sagatonu ia le tatou faamoemoe ma le tatou taimi faatapulaaina. E avea ai lou leo e fai ma fofoga taumomoli e momoli atu ai le agaga faafetai i le paia ma le mamalu o le tatou fonotaga i lenei aso. Ia mo le mamalu maualuga o le tatou Maota e i ai le talitonuga o le Fofoga Fetalai e leai lava se galuega e aunoa ma sona faaiuga. O le tualumaga o lenei aso ma le tatou faamoemoe ua fai si tele o le tatou galuega ua ausia. O a foi tulaga i le siisii o le tai i le taeao nei ia e manatu o lo o iina le tofa ma faautautaga i le tatou Maota tatou te lili’o ma tatou vaavaai i le mamalu ma le taualoa o le tatou Palemene ina ia tatou tausisia pea. O a foi a tatou upu ma tala i le taimi ua sola ma aso ua alu ia e goto le la ma oso, e oso foi le la ma goto. E pe foi le tai ma toe fotua’i mai ia ae le mafai ona tatou tuua ai le tatou galuega o le tauleogologo ma le faamanatu atu i le paia ma le mamalu maualuga o le tatou Maota. O a foi upu ma tala i le taeao ia e manatu ua mavae ia atuvasa, tatou saga’i i luma ma alo i luma le foe o le Palemene. O a fita ma faigata o le galuega ia e faigata le tapuaiga o lo o tapuai mai si o tatou atunuu.

E momoli atu ai le faafetai tele i lau Afioga i le Taitai o le Malo ma lau Kapeneta i lenei taeao, faapena foi le Taitai o le Itu Agai ma lea talaga atoa o le Maota, tatou ave ia i uta. O le mea sili ma le taua ia tatou maua le agaga o

le nofo malamalama ia ma le fefaamagaloa'i i le tulaga ua tulai mai. A o le tulaga lava ia i le atunuu ma lana tapuaiga ia e leai se mea o po ai malae i le tapuaiga a Samoa. Ou te manatu ua manino ma malamalama galuega o lo o tatou taumafai i ai, o a foi tiuga a le vaatele ma le faalelega fulu e aumāi avatū, tatou te naunau uma ina ia saili le mea amiotonu ina ia manuia Samoa mo a taeao. O lenei la aso ua manatu le paia e ma le mamalu o le tatou Palemene e momoli atu le agaga faafetai tele i lenei aso ma le tauvavameaina o le tatou fonu.

Faafetai atu foi i le nofo tapuai mai o le tatou atunuu Samoa i lenei vaega o le aso, faafetai atu lo outou talimau aemaise la outou tapuaiga leleoa o lo outou tui mai pea le mulipapaga ma outou talosia faiva o lau Palemene lenei ua taunuu ai ma le manuia i lenei vaega o le aso. Faafetai i le aufaitatalo i lo outou talisa i le aiga Sa Levi la outou fatuaiga tausii aua le tatalo ina ia mana pea le upu ma taumasuasua meaai faaleagaga aua le atunuu. Ia maua pea lo outou malosi i le tino le agaga ma le mafaufau aua le vaa ma le ipu ma le faafoeina o le galuega a le Atua.

Ia ona ou manatu lea le paia e o le tatou Palemene aemaise le tapuaiga a Lana Mamalu, O Le Ao o le Malo ma lana Masiofo, susu o le Sui o le Fonu a Sui Tofia ma le Masiofo aemaise foi le Tafatolu o le Faigamalo i le afio o lau Afioga i le Faamasino Sili ma le Ofisa o Faamasinoga. O le a tatou faia se malologa ma le talitonuga ma le faamoemoega, Na te taitai lo outou soifua manuia i le tatou Fonu faaii o lenei Paeaiga ia Tesema i le aso 15. Ia faimalū faiva aua ne i alo le foe ma faanape, fai malie lo tatou agai atu i aso fiafia o le Kerisimasi vaai se isi ne'i te i ua toe aafia i ni faalavelave po o ni mea le maalofia tatou te lagona ai le faanoanoa. A o tatou sauniuni mo le tatou aulia o le aso faamanuia mo le Pepe Fou, ia fou mea uma i o tatou loto ma o tatou agaga ae ia sili ai le tumau pea o le nofo fealofani o le tatou Maota Fonu nei.

Ae le i faaiuina le tatou Fonotaga, ia tulai maia oe le matua o le matua o le tatou fale-Gagaifomauga, le Tulafale Tofa ia Lavea Faimalotoa, tulai maia mo se tatou tatalo faaii e faaiuina ai le tatou Fonotaga.

Na tolopo Taulumaga a le Fonu Aoao i le itula e 1.01 i le aoauli seia aulia le Aso Lua, 15 Tesema 2015.